



國朝大事記

目錄

遼左肇基紀畧第一  
遼左肇基紀畧第二  
遼左肇基紀畧第三  
世祖開國大政紀畧第四



遼左肇基紀畧卷一

任邱金象豫介公輯錄

我朝先世發祥於長白山。山高二百餘里，綿亘千里。山上有潭曰闔門，周八十里。鴨綠混同愛濤三江出焉。望氣者言其地將生聖人，統一諸國。山之東有布庫里山，山下有池，曰布爾里湖。相傳有天女三，長恩固倫，次正固倫，季佛庫倫。浴於池，浴畢有神鵲啣朱果置季女衣，季女吞之，遂有身。尋產一男生而能言，體貌奇異及長，母告之故，因命之曰天生汝以定亂國。其以愛新覺羅為姓，布庫里雍順為名，母凌空去。

子乘小舫順流至河。步登岸。折柳及野蒿為坐具。端  
跌其上。其地有三姓爭雄長。構兵仇殺。有取水者奇  
其狀貌。歸告眾。走問語以姓氏。且曰我天女佛庫倫  
所生。天命定汝等之亂。眾驚曰天生聖人也。昇歸奉  
為主。居長白山東。俄漠惠之野。俄朵里城。國號滿洲。  
數傳。遭國人叛。族被戕。幼子范察僅以身免。遁於野。  
國人追之。有鵲止其首。追者以為枯木。因得脫。又數  
傳。至。

肇祖原皇帝。姓愛新覺羅氏。諱都督居虎欄哈達山下。赫  
圖阿喇地。有智畧。計執先世仇人之後四十餘人。半

誅半釋之。盡復故地。生子二。長充善。次褚晏。充善生  
子三。長安羅。次安義。諱次錫寶齊篇古。錫寶齊篇古  
生子一。即

興祖直皇帝。諱都督生子六。長德世庫。次劉闡。次索長阿

次。即

景祖翼皇帝。諱安次包郎阿。次寶實。德世庫居覺爾察地。  
劉闡各居阿哈河洛地。索長阿居河洛噶善地。

景祖居祖基阿喇地。與五城相距。近者五里。遠者二十里。  
包郎阿居尼麻喇地。寶實居彰甲地。六人各築城分  
居。稱為寧古塔貝勒。是為六祖。

景祖生子五。長禮敦巴圖魯。次額爾衮。次界堪。次即顯祖宣皇帝。諱塔克世次塔察篇古。

顯祖嫡妃喜塔喇氏。乃阿古都督女。是為

宣皇后。生子三。長即

太祖高皇帝。次曰舒爾哈齊雅。次曰巴雅喇。庶妃生子一。

曰穆爾哈齊。

太祖高皇帝。諱努爾哈齊稱為聰睿貝勒。生明嘉靖三十八年。

己未。孕十三月而生。龍顏鳳目。偉軀大耳。聲若洪鐘。

十歲時。

宣皇后崩。繼妃納喇氏撫育寡恩。年十九。俾分居。予產獨

薄。後知其才德。復厚予之。

太祖辭勿受。時有碩色納者。九子俱獷悍。又有加虎生子

七。躡捷多力。能披甲躍九牛。二族強凌諸路。

景祖饒才智。兼禮敦英勇。破滅之。盡收二嶺。東蘇克蘇

河西二百里內諸部。由此遂盛。癸未年。明萬曆十一年滿洲

蘇克蘇。許河部圖倫城有尼堪外蘭者。陰構明寧遠

伯李成梁。遣遼陽副將攻克沙濟城。殺城主阿亥章

京。復合兵攻古勒城。城主阿太章妻。京乃禮敦巴圖魯

之如。

景祖聞警。恐女孫被陷。偕

顯祖往救。先後入城。欲攜女孫歸。阿太章京不肯。成梁攻  
城不克。尼堪外蘭請往招撫。給城中人以能殺阿太  
來降者。即命為城主。城中人信之。遂殺阿太以降。成  
梁誘城中人出屠之。并害

二祖。

太祖聞之。大慟。詰明邊吏。明歸我

二祖喪。與勅三十道。馬三十匹。封龍虎將軍。復給都督勅

書。

太祖欲得尼堪外蘭。明人不肯。且曰。當今為滿洲國主。國  
人信之。皆歸尼堪外蘭。同族寧詬古塔諸祖子孫。亦

欲害

太祖以歸之。尼堪外蘭又迫

太祖往附。

太祖思復仇。以

顯祖遺甲十三副。謀伐尼堪外蘭。時年二十有五。癸未年

太祖往攻尼堪外蘭於圖倫城。克其城。時兵百人。甲十三

副而已。六月。德世庫劉蘭索長阿寶寶等子孫。忌

太祖英武。同謀加害。夜半。潛至城。緣梯而上。

太祖覺之。遁去。八月。復往攻外蘭於甲反。外蘭遁。追之。勿

及。六祖寶寶之子康嘉與綽克塔覺善同謀。糾合哈

達國萬汗兵劫我所屬瑚濟宅而去。分所獲於中途。我部將安費揚古及巴遜率十二人追敗之。殺四十人。獲所掠而還。是時滿洲別有五部。曰蘇克蘇許河。曰渾河。曰王甲。曰董鄂。曰哲陳。長白山二部。曰訥殷。曰鴨綠江。東海三部。曰渥集。瓦爾喀。庫爾喀。扈倫國四部。曰烏喇。哈達。葉赫。輝發。各主其地。互相攻戰。丙申年七月。明人執尼堪外蘭付我殺之。自此明歲輸銀八百兩。蟒緞十五疋。通和好焉。丁亥年正月。於碩里口。虎欄哈達。東南。加哈河兩界中。平岡築城三層。並建宮室。六月。始定國政。禁悖亂。戢盜賊。法制以立。歸

附益衆。國勢日盛。歲以我國珍異。於撫順。清河。寬奠。靉陽。四關。口與明互市。辛卯年正月。遣兵畧長白山之鴨綠江。盡收其衆。癸巳年九月。葉赫。哈達。烏喇。輝發。北嫩。河。蒙古。科爾沁。席北部。卦爾察部。及滿洲。長白山。所屬。朱舍里。路。納殷。路。九姓之國。合兵三路來侵。凡三萬人。

太祖禦之於古勒河。對黑濟格城結陣。及戰。葉赫。貝勒布。賽直前衝入。乘馬觸木而踣。我兵吳談刺殺之。敵兵遂亂。諸貝勒。膽落。棄衆奔潰。擒烏喇。貝勒。布。占。泰。斬級四千。獲馬三千匹。甲千副。自此遠近懾服。

戊戌年哈達貝勒孟格布祿所居城北溪中流血。己亥年二月將蒙古字制爲國語。創立滿文。九月征哈達擒其貝勒孟格布祿滅之。盡服其屬城。

辛丑年始編三百人爲一牛錄。每牛錄設額真一。癸卯年正月自虎欄哈達南岡移於祖居蘇克蘇辭河加哈河之間。赫圖阿喇地築城居之。

乙巳年三月更築大城環之。

丙午年蒙古諸貝勒遣使尊

太祖爲神武皇帝。

丁未年九月丙申彗見東方。入夜方滅。指輝發國時

輝發叛。是月率兵征之。克其城。誅其貝勒拜音達禮父子。遂滅輝發。

己酉年侍衛扈爾漢征東海渥集部所屬之濔野路。取之。收二千戶而還。

庚戌年額亦都率兵征東海渥集部之那木都魯綏分寧古塔尼馬察四路。招其部長康古禮等。回師取雅攬路。俘萬人。

辛亥年七月命阿巴泰費英東安費揚古率兵取渥集部之烏爾古宸木倫二路。十二月命額駙何和里巴圖魯額亦都達爾漢侍衛扈爾漢率兵征渥集部

之虎爾哈路克其扎庫塔城俘二千人。  
壬子年烏喇國背盟親征之克其臨河六城毀之。  
癸丑年正月復親征烏喇戰於伏爾哈城大敗之乘  
勢克其城貝勒布占泰竄遁葉赫收撫其屬邑烏喇  
遂亡。

乙卯年明萬曆四既削平諸國每三百人設一牛錄  
十三年額真五牛錄設一甲喇額真五甲喇設一固山額真  
每固山額真左右設兩梅勒額真初設黃紅藍白四  
旗至是添設四旗參用其色鑲之共八旗行軍時地  
廣則八旗並立分八路地狹則八旗合一路每戰長

矛大刀為前鋒善射者從後衝擊精兵勿下馬相機  
接應克敵後核功必以實又置理政聽訟大臣五人  
札爾固齊十人佐理五日一視朝凡有聽斷先經札  
爾固齊十人審問然後言於五臣五臣審問言於眾  
貝勒議定奏明。

丙辰年羣臣尊

上為覆育列國英明皇帝建元天命元年是年上五十年  
明萬曆四十四年

七月

諭議政五大臣曰凡事不可一人獨斷如一人獨斷必致  
生亂國人有事當訴於公所毋訴於諸臣之家其有

私訴者付以鞭索。俾執而責之。貝勒諸臣有罪。束身靜聽。如例審斷。執拘不服。加以重罪。凡事俱五日一聽斷於公所。

命扈爾漢安費揚古征東海薩哈連部。取河南河北寨三十六。八月黑龍江橫結冰橋一道。約廣六十步。引兵渡。遂取薩哈連部內十一寨。又招服使大路諾落石。拉忻路路長四十人。

天命三年

明萬曆四十六年

三月征明。臨行書七大恨告天。

其詞曰我之

祖父未嘗損明邊一草寸土也。明無端起釁。邊陲害我

祖父恨一也。明雖起釁。我尚欲修好。設碑勒誓。凡滿漢人

等勿踰疆圉。敢有越者。見即誅之。見而故縱。殃及縱

者。詎明復渝誓言。逞兵越界。衛助葉赫。恨二也。明人

於清河以南。江岸以北。每歲竊踰疆場。肆其攘奪。我

遵誓行誅。明負前盟。責我擅殺。拘我廣寧使臣。綱古

里方吉納。挾取十人。殺之邊境。恨三也。明越境以兵

助葉赫。俾我已聘之女。改適蒙古。恨四也。柴河山岔

撫安三路。我累世分守疆土之眾。耕田藝穀。明不容

刈。獲遣兵驅逐。恨五也。邊外葉赫。獲罪於天。明乃偏

信其言。特遣使臣。遺書詬詈。肆行凌侮。恨六也。昔哈

達助葉赫二次來侵。我自報之。天既授我哈達之人矣。明又黨之。挾我以還其國。已而哈達之人數被葉赫侵掠。夫列國之相爭伐也。順天心者勝而存。逆天意者敗而亡。何能使死於兵者更生。得其人者更還乎。天建大國之君。即爲天下共主。何獨構怨於我國也。初扈倫諸國合兵侵我。故天厭扈倫。啟釁。惟我是眷。今明助天譴之。葉赫抗天意。倒置是非。妄爲剖斷。恨七也。因此七大恨。是以征之。遂率步騎二萬圍撫順城。遊擊李永芳降。撫順東州馬根單三城及臺堡悉下。撫順守將王命印死之。廣寧總兵張承蔭率師

往援。我軍乘風奮擊。大破之。承蔭及副將顏廷相、參將蒲世芳等皆戰死。士卒逃歸者十無一二。天命四年正月。征葉赫。取大小屯寨二十餘。及蒙古游牧畜產。二月。明經畧楊鎬率總兵杜松、趙夢麟、王宣、劉綎、李如柏、馬林、副將賀世賢、麻巖、道員張銓、康應乾、閻鳴泰、潘宗顏等統兵二十萬。號四十七萬。於三月初一日出邊。分四路進攻。並趨我都城。二月二十九日。明總兵杜松等督兵六萬出撫順關。而南路偵卒又以明兵進董鄂境告。

太祖曰。明使我先見南路兵者。欲誘我南也。其由撫順西

來者必大兵也。破此則他路不足患矣。即統兵出而令大貝勒代善前行。過札喀關。四貝勒曰：界凡山下。我築城夫役在焉。倘明兵攻之，奈何？遂急進界凡界。對明兵而陣。初我國防衛築城夫役之兵四百人，伏撒爾湖谷口。明總兵杜松、王宣、趙夢麟之兵過谷口，將半尾擊之。追至界凡渡口，與築城夫役合。據界凡山之吉林崖。杜松營於撒爾湖山，而自引兵圍之。衆貝勒至，遣兵千人往助吉林崖。

太祖亦至，曰：先破撒爾湖所駐兵，則界凡自喪膽矣。於是分右翼之二旗，與左翼四旗合攻之。不移時，破其營。

而所遣助吉林崖之兵，自山馳下，擊明兵。右翼二旗兵渡河，夾擊明兵之在界凡山麓者，大破其衆。杜松、王宣、趙夢麟等戰死。追奔二十里。時馬林營於尚間崖，嚴兵自衛。潘宗顏一軍距西三里外，營飛芬山。遊擊龔念遂、李希泌營於它洪、鄂漠地。四貝勒奮勇衝入，明兵大敗。念遂、希泌陣歿。

太祖親馳至尚間崖，明兵突至。大貝勒怒，馬入其陣。二貝勒、阿敏、三貝勒、莽古爾泰與衆台吉等，各鼓勇急進。明兵大敗，斬其副將麻巖等。馬林遁免。

太祖復馳攻飛芬山。潘宗顏全軍盡沒，乃凱旋還都。聞劉

綏由寬奠口。李如柏由清河進虎欄路。謀犯都城。遣大貝勒三貝勒四貝勒往禦劉綎。而留兵四千於都城。待如柏等。初劉綎出寬奠。進董鄂路。先遣萬人前掠。將趨阿布達里岡布陣。四貝勒率兵登岡。馳下擊之。戰方酣。大貝勒率左翼兵。自山西夾明兵。潰。我兵追擊。與劉綎遇。倉卒不及陣。遂戰死。時明海蓋道康應乾合朝鮮兵。營於富察之野。遂勒兵攻之。明兵發火器。忽大風晝晦。烟塵反撲敵營。我軍乘之。殲其兵萬人。應乾遁。朝鮮元帥姜宏立率眾降。楊鎬聞三路兵敗。急檄李如柏。賀世賢等還。六月。率兵四萬。取明

開原城。明總兵馬林副將于成龍。叅將高貞。遊擊于守志。守備何懋。官皆戰歿。建宮室於界凡城內。及諸臣兵民廬舍。七月。

上率兵攻鐵嶺。斬明遊擊喻成名。史鳳鳴。李克泰等。拔其城。蒙古喀爾喀貝勒介賽來援。我師追敗之。擒介賽等十餘人。先是。

上夢天鷲白鶴等翱翔上下。

上羅得白鶴一。呼曰。得蒙古介賽矣。覺以語妃。至是果然。

八月。征葉赫。其貝勒金台吉居東城。

上親圍之。布揚古居西城。命四貝勒率兵圍之。未幾俱破。

執金台吉布揚古縊殺之。屬城盡降。殺明兵之助守者。葉赫亡。自是開擴疆土。東自海。西至明遼東界。北自蒙古科爾沁之嫩烏喇江。南暨朝鮮國境。凡語音相同之國。俱征討徠服而統一之。

扈倫國四部始末

哈達國萬汗姓納喇。其國原名扈倫。後建國於哈達地。因名哈達。乃烏喇貝勒始祖納齊卜祿七代孫也。其祖克習納都督為族人巴代達爾漢所害。萬奔席北部相近之綏哈城居焉。其叔王住外蘭奔哈達。主其部落。後為叛者所殺。其子博爾坤舍

殺其人。以報父仇。迎兄萬於綏哈城。為部主。萬於是攻取附近諸部。還者又招徠之。其勢乃盛。遂稱汗。國號哈達。其時葉赫烏喇輝發及滿洲之渾河部俱屬之。萬為人殘暴。黷貨無厭。群下效尤。擾害諸路。以故所創基業。旋即自敗。其民多叛。投葉赫先附諸國。皆叛。萬卒。子扈爾干立。八月卒。弟康古魯立。卒。弟孟格布祿繼之。己亥年滅。

輝發國本姓益克得里。原烏龍江岸泥馬察部人。始祖昂古里星吉力。自黑龍江載木主。遷於渣魯居焉。有扈倫國人噶揚噶圖墨土。姓納喇氏。居於

張他因附其姓。宰七牛祭天。改姓納喇。星吉力生子二。長留臣。次備臣。生納領噶耐寬。納領生拉哈都督。拉哈都督生噶哈禪都督。噶哈禪都督生齊納根達爾漢。齊納根達爾漢生王機努。王機努拓服輝發諸部。於輝發河邊扈爾奇山築城居之。國名輝發。其時蒙古察哈爾查薩克圖土門汗自將圍其城。不克而還。王機努自勒卒。孫拜音達禮殺其叔父七人。自為貝勒。丁未年滅。

烏喇國本名扈倫。姓納喇。後因建國烏喇河岸。故改名。始祖名納齊卜祿。生商堅。商堅和齊。商堅和

爾和齊生加麻喀碩朱古。加麻喀碩朱古生綏屯。綏屯生都爾機。都爾機生子二。長克習納。都督。次古對朱顏。克習納生轍轍木。轍轍木生萬古對朱顏。生大蘭。大蘭布顏。布顏盡服烏喇諸部。築城於烏喇河岸。洪尼地。自稱貝勒。生子二。長布干。次傅克多。布顏卒。子布干立。卒。子滿太立。至滿太弟布占泰。癸丑年滅。

葉赫始祖蒙古人。姓土默特。初滅扈倫國所居張他之納喇姓部。遂據其地。冒姓納喇。後遷葉赫河岸。建國名。始祖星根達爾漢。生席爾克明噶圖。席

爾克明噶圖生齊生噶尼。齊生噶尼生褚孔格。褚孔格生太杵。太杵生子二。長青佳努。次楊吉努。皆稱貝勒。明萬曆十二年。寧遠伯李成梁受哈達賂。誘青佳努。楊吉努至開原。殺之。青佳努子布寨。楊吉努子納林布祿。各繼父爲貝勒。成梁屢攻之。不克。及納林布祿弟金台吉。布寨子布揚古。嗣爲貝勒。天命四年己未亡。

天命五年。明泰昌元年正月。察哈爾林丹汗執我使臣碩色吳巴什。先是我羈其使臣康喀爾拜虎。至是釋其從者。俾持書往約歸我使。逾期不至。會北蒙古五部

落喀爾喀貝勒來言。我使被殺。乃誅康喀兒拜虎。後

碩色吳巴什竟逃歸。三月。論諸臣功。序列武爵。分

總兵官品級爲三等。副參遊擊亦如之。衆牛錄額真

俱爲防禦官。每牛錄下設千總四員。六月。樹二木

於門外。有欲訴者。書而懸之木。覽其顛末而按問焉。

由是民情巨細得上達。八月。親征明。由懿路蒲河

二路進。追擊明總兵賀世賢等。抵瀋陽北門。斬百餘

級。十月。自界凡遷於撒爾湖。築軍民廬舍。

天命六年。明天啟元年二月。親畧明奉集堡。三月。大軍

征明。攻瀋陽城。明兵出城禦我師。縱擊明兵七萬俱

以

潰陣斬總兵賀世賢九世功等。拔其城，盡殲其衆。明總兵陳策兵二萬，營黃山，渡渾河來援。

太祖率兵迎之，斬陳策及參將張名世，餘衆溺渾河，幾盡。又有三總兵李秉誠、朱萬良、姜弼來援，四貝勒迎擊，三總兵遁，追斬三千餘級。復擊渾河以南步兵，斬副將董仲貴。參將張大斗悉殲其衆。庚申，乘勝前進，至虎皮驛。辛酉，至遼陽東南。明總兵李懷信、侯世祿、蔡國柱、姜弼、董仲揆率兵至，四貝勒擊之。明兵大潰，距南城七里駐營。壬戌，我左四旗兵奪武靖門橋，樹梯登城，奪西城一面，據其兩隅。是夜，城內明兵列炬拒

戰。達旦，道員牛維曜、高出、邢慎言、胡嘉棟、戶部郎中傅國城遁。明旦復戰，明兵又敗。我右四旗兵亦登城。明經畧袁應泰督戰，城東北鎮遠樓舉火自焚。守何廷魁投井死。監軍道崔儒秀自縊。總兵朱萬良等俱戰死。擒御史張銓，餘官民薙髮歸順。銓不屈，縊而葬之。河東七十餘城皆降。

太祖以遼東要害，定遷都。移官民居於北城關廂，其南大城則與貝勒諸臣及將士居之。釋遼繫獄官民，奪職間居官悉還職。設遊擊八員，都司二員，理其事。發銀帛大賚總兵以下官及軍士有差。七月，鎮江城，中

軍陳良策執遊擊佟養真。湯跣險山二堡民。執堡官陳九階李世科以叛。投明將毛文龍。命大目勒代善三貝勒莽古爾泰率兵遷鎮金州。民於復州。四貝勒二目勒阿敏率兵遷鎮江沿海。居民於內地。十一月二貝勒阿敏統兵五千。渡鎮江。於朝鮮境。攻明將毛文龍。斬遊擊劉某。及兵千五百級。文龍僅以身免。天命七年正月。征明。攻克西平堡。斬副將羅一貴。明總兵劉渠等引兵三萬至。我軍擊敗之。追五十里。總兵劉渠。祁秉忠。副將劉徵。叅將黑雲鶴。遊擊李茂春。張明。死焉。經畧熊廷弼。巡撫王化貞。棄廣寧城遁。守

門。遊擊孫得功等。遣人請降。己未。大軍赴廣寧。千總石天柱出迎。庚申。鎮靜堡叅將劉世勛。錦州大貝勒四貝勒引兵攻克義州。斬三千級。

太祖還自廣寧。遣迎后妃於遼陽。二月。蒙古兀魯特部明安等。凡十七貝勒。及喀爾喀部台吉率所屬三千餘戶歸附。

太祖還遼陽。留諸貝勒守廣寧。西平堡叅將鮑承先。初遁去。至是隨衆來降。三月。築城於遼陽東五里。太子河邊。立宮室。遷居之。名曰東京。天命八年正月。蒙古喀爾喀五部台吉拉巴西希璧

等率所屬來歸。四月命台吉阿巴泰等統兵三千征喀爾喀札魯特。斬貝勒昂安父子。盡獲其妻孥軍民畜產。以其執我使臣及要奪我之牲畜也。太祖御八角殿訓諸公<sup>主</sup>以婦道。毋陵侮其夫。恣意驕縱。違者罪之。

天命九年二月與蒙古科爾沁台吉奧巴會盟修好。四月奉移。

景祖

顯祖

孝慈皇后諸陵葬於東京。五月明毛文龍遣兵沿鴨綠

江越長白山入寇。我守將蘇爾東安擊之。盡殲其眾。

八月聞毛文龍渡義州鴨綠江入島屯田。命梅勒額真楞額禮吳善襲之。斬五百級。盡焚島中糧而還。

天命十年正月三日勒莽古爾泰率兵攻明旅順口

城。殲其兵。毀其城。

四月王善

族弟

等征東海瓦爾

喀部還。俘獲甚眾。

六月毛文龍兵三百人夜入耀

州城南之官屯寨。總兵揚古利擊殲之。

八月明寧

遠山海關二路兵夜半襲我耀州城。守將擊敗之。追

至遼河。明兵溺水死者枕藉。獲馬七百。鎧甲器械無

算。侍衛博爾普等征東海南路虎爾哈部降五百戶

而還。雅護等征東海北路。卦爾察部獲二千人以歸。毛文龍遣兵三百。夜襲我海州所屬張屯寨。守將追之。斬百七十人。十月。皇子阿拜等征東海。路虎爾哈部俘千五百人。

天命十一年正月。親征明錦州松山大凌河。小凌河。杏山連山塔山七城。守將焚廬舍糧儲遁。大軍至寧遠。明總兵滿桂道員袁崇煥參將祖大壽固守。攻之不克。四月。以蒙古五部喀爾喀貝勒背盟。親征之。四月。貝勒射殪其貝勒囊奴克。五月。毛文龍遣兵攻我撒爾湖城南門。我總兵巴篤禮敗之。追戰二百餘

級。七月癸巳。

太祖幸清河湯泉。不豫。丙午。乘舟還京。庚戌。崩於斃。靈寢。距瀋陽城四十里。年六十有八。元妃佟甲氏。諱哈

札生子二。長楮英。先號洪巴圖魯。次繼妃富察氏。代名生子二。長莽古爾泰。次德格類。

孝慈高皇后葉赫納喇氏。諱孟古姐。葉赫

太宗文皇帝。繼立大妃烏喇納喇氏。把亥生子三。長阿濟

格。次多爾袞。次多鐸。側妃伊爾根覺羅氏。生子一。阿

巴泰。又庶妃中。生子六。阿拜。湯古代。塔拜。巴布泰。巴

布海。賴幕布。

遼左肇基紀畧第二

任邱金象豫介公輯錄

太宗文皇帝

諱皇太極。史臣云太祖命名時。國中原無漢與蒙古書籍。及為汗。閱漢蒙古書。漢之儲君。曰皇太子。蒙古繼立者。曰皇太極。天意已預定矣。

太祖第八子。生明萬曆二十年壬辰十月二十五日辛亥。

申時為大貝勒。與代善阿敏莽古爾泰共理政。

太祖崩。大貝勒代善等合詞請速登大寶。以天命十一年。

九月庚午朔即位。時年三十五。改明年丁卯為天聰。

元年。赦殊死以下。設八大臣。正黃旗納穆泰。鑲黃

旗額駙達爾哈。正紅旗額駙和碩圖。鑲紅旗侍衛博

爾晉鑲藍旗顧三台。正藍旗拖博輝。鑲白旗車爾格。正白旗喀克篤禮。爲八固山額真。總理一切事務。與諸貝勒偕坐共議。出獵行師。各領本旗兵行。凡事皆聽稽察。又設十六大臣。正黃旗拜尹圖。楞額禮。鑲黃旗伊孫達。朱戶。正紅旗布爾吉。葉克書。鑲紅旗吳善。綽和諾。鑲藍旗舒賽。康喀賴。正藍旗屯布祿。薩璧翰。鑲白旗吳拜。薩木什喀。正白旗孟阿圖。阿山。佐理國政。審斷獄訟。不令出兵駐防。又設十六大臣。正黃旗巴布泰。霸奇蘭。鑲黃旗多內。楊善政。正紅旗湯古代。察哈喇。鑲紅旗哈哈納。葉臣。鑲藍旗孟坦。額孟格。正

藍旗昂阿喇。巴勒。鑲白旗圖爾根。伊爾登。正白旗康古禮。阿達海。出兵駐防。以時調遣。仍審理詞訟。

命大貝勒代善等。率師征蒙古喀爾喀。札魯特部。別遣副將楞額理等。率兵六百。入其巴林地。驅逐哨卒。縱火燎原。以張聲勢。明寧遠巡撫袁崇煥。遣李喇嘛等三十四人來弔喪。并賀即位。因窺我情形。蒙古科爾沁國土謝圖汗。遣使來弔。書云。先代因有修福之力。今世乃生受命之君。今聞神武英明皇帝上賓。與巴台吉。敢奉書以慰八旗大小諸貝勒。昔察希爾巴敦汗。生西方。握七寶。數盡則死。雪山白獅。其力雖大。

限到亦死。深海之內。縱有諸寶。無裨於龍王之死。以至寶莊嚴之身。亦如石之委而去也。爾皇考爲諸大國之主。捨寵姬愛子。視之不見。呼之不聞。遽爾崩逝。歷觀往古之君。雖號泣不能復生。爾英明皇考之規模典訓。具在當內。固基業。外修軍旅。勉力以圖。寡居識賢婦。早孤見慧子。不如盡心崇治大國也。代善白軍中奏捷。獲札魯特貝勒巴克與其二子。及喇什布布戴青柔噶爾寨等十四貝勒。俘其人民牲畜而還。楞額理阿山。自巴林還。俘獲甚多。十一月。李喇嘛回。遣方吉納溫塔石往。遺書曰。大滿洲國皇帝。

致書於大明國袁巡撫。爾停息干戈。遣李喇嘛等來弔喪。並賀新君即位。我亦無別意。既以禮來。當以禮往。故遣官致謝。至兩國和好之事。

皇考往寧遠時。曾致璽書與爾袁巡撫。未見回答。今汝主如答前書。欲兩國和好。我當觀其書詞。答之。凡有言詞。須實吐衷情。勿事支飾。已而崇煥以大明滿洲字並寫。不便奏聞。令我使齎還原書。不遣使。亦無回書。天聰元年正月。命大貝勒阿敏貝勒濟爾哈朗阿濟格。杜度岳託。碩託統大軍征朝鮮。遣方吉納溫塔石。遺袁崇煥書。歷數其前過七端。且言欲修好。當每

歲餽遺如約。即以此言轉達爾主。不然爾仍願兵戈也。三月方吉納等偕明使杜明忠齎崇煥及李喇嘛書至。崇煥書云遼東提督部院致書於汗帳下。再辱書教。知汗之漸漸恭順天朝。而息兵戈以休養部落。即此一念好生。天自鑒之。將來所以祐而強大之者。尚無量也。往事七宗。抱為長恨者。不佞寧忍聽之。漠漠但追思往事。窮究根因。我之邊境細人。與汗之不良部落。口舌爭競。致起禍端。汗過不先作孽之人。即道人刑難逃。天怒今欲一一開晰。恐難問之九原。不佞非但欲我忘之。且欲汗並忘之也。然十年戰鬥。

驅糞夏之人。肝腦塗三韓。膏血漫草野。天愁地慘。極悲極痛之事。皆為此七宗。不佞可無一言。今南關北關。安在河東北西。死者寧止十人。仇離者豈止一老女。遼瀋界內之民。已不能保。寧問由來。是汗之怨已雪。而意得志滿之日也。唯我天朝難消受耳。今若修好城池地方。作何退出。官民男婦。作何送還。是在汗之仁明慈惠。敬天愛人耳。然天道無私。人情忌滿。是非曲直。原自昭然。一念殺機。啟世上無窮劫運。一念生機。保身後多少吉祥。云云。兼欲裁減和禮。撤回征朝鮮兵。李喇嘛書。盛稱佛教。祈止兵和好。軍中奏

如是馬子係  
改

言正月十四夜大軍克朝鮮義州城分兵搃毛文龍所居鐵山文龍遁入島進攻定州降其民攻克郭山之漢山城渡嘉上江向平壤進發克安州至平壤城遂駐中和息焉七日至黃州進駐平山漸逼李宗王京宗父子皆遁遣族弟原昌君李覺等進馬及虎豹皮綿紬苧布等物請和三月三日焚書盟誓我軍還四月明使杜明忠還答書曰皇帝致書袁巡撫爾來書欲我忘七恨則遣官亦何為哉今又云若修好城池地方作何退出官民男婦作何退還以理直在我蒙天垂祐賜與城池官民今日退還是不願講和

有意激我之怒耳又云是在汗仁明慈惠敬天愛人耳此無俟我言爾豈不知之又云所開諸物往牒不載考舊與視此數多者有之少者亦有之我亦悉知又云方以一介往來又稱兵朝鮮何故遂疑汗之言不由中也夫我豈無故而征朝鮮何嘗向爾等有不征之說有何言不由中而爾疑之也爾口言修好乃發哨卒入我境收納逃亡修葺城堡是爾之言不由中也我將帥實疑爾矣又云息止刀兵將前後事情講析明白此言是也乃又云往來書札無取動氣之言恐不便奏聞夫是與非必須說明然後和好可固

若匿其意而不言。徒以無取動氣之言相柳。恐難於講和也。如此欺慢之詞。與前遼東廣寧官員相欺。何異哉。又云。只願堅意以事我皇上。宣揚聖德。料理邊情。爾君之德。爾自宣揚之。我異國之人。何由得知。爾之邊疆。爾自理之。我之邊疆。我自理之。我奈何爲爾料理邊情也。不講兩國修好之言。而出此輕人之語。何耶。爾袁巡撫誠明智之人。乃不思如何致太平利國家。爲結好修和之詞。而徒出大言。豈空言可以制勝乎。因爾書有慢詞。故以此作答。至和好之事。爾或懷疑。我無疑也。又云。先開諸物。所當自裁。我所裁者。

初和之禮。爾當送金五萬兩。銀五十萬兩。緞五十萬疋。布五百萬疋。我國以東珠十顆。黑狐皮二張。貂鼠皮二千張。人參一千斤。作答。既和以後。兩國往來之禮。每年爾國送金一萬兩。銀十萬兩。緞十萬疋。梭布三十萬疋。我國以東珠十顆。人參一千斤。貂皮五百張。作答。若以此言爲然。肯修和好。當即議定爲善。至袁巡撫來書。尊爾皇帝如天。李喇嘛書中。以異國之君。列於爾國諸臣之下。此乃爾等私心所爲。非義之當然也。我今揆之於義。將爾明皇帝比天下一字。我下爾明皇帝一字。爾明諸臣下我一字。書寫。我知爾

等欺詐。故不遣使。以後凡有書來。若爾國諸臣與我並書。我必不聽。五月。聞明人於錦州大凌河小凌河築城屯田。親率將士由上榆林至遼河廣寧直趨大凌河。明守兵遁。遂圍錦州城。癸巳。攻寧遠。大敗明兵。己亥。攻錦州。庚子。班師。丁未。還瀋陽。八月。貝勒岳託。敗明兵船於遼河。獲守備等官。

天聰二年。明崇禎元年正月。親征察哈爾國。多羅特部殺其台吉古魯。四月。賜教漢部瑣諾木杜楞額駙號濟農。明袁崇煥以總兵毛文龍據南海皮島。與我國私通。殺之。五月。聞明兵棄錦州。命貝勒阿巴泰

等畧明地。並隲錦州城及杏山高橋并十三站以東墩臺二十二處。貝勒濟爾哈朗豪格征碩特塔布囊擒之。收其人民。九月。親征察哈爾國。徵各部落兵。科爾沁台吉滿朱習禮教漢部濟農瑣諾木杜楞奈曼部達爾漢巴圖魯袞出斯札魯特台吉喀巴海喀喇沁部汗喇思喀布布顏之巴海之子台吉畢喇什萬旦衛徵塔布囊馬濟貝勒格爾等。率眾來會。丁丑。馳擊席爾哈席伯圖英湯圖等處。克之。追捕敗軍。至興安嶺。獲人畜無算。十二月。札魯特部貝勒色木馬尼舉國來降。

天聰三年正月定直月制。先是天命六年命四大貝勒按月分直掌理一切機務。至是令以下諸貝勒代理直月之事。二月奉遷。

太祖高皇帝梓宮於瀋陽城東二十里。渾河北石嘴頭山。蒙古喀爾喀札魯特部貝勒戴青桑古爾柔噶爾塞等。各率其屬來歸。聞明故將毛文龍屬下漢人。由海島移駐朝鮮之鐵山。遣總兵楞額禮勦之。斬級三百七十。擒一百四十人。獲馬二十一。遣總兵吳納格副將蘇納貝勒明安額駙恩格得爾征察哈爾國。降其邊境二千戶。庚戌。

車駕過東京。

三月遣國舅阿什達爾漢此是尼侯考同厄堪等齎勅

諭歸順各部落蒙古諸貝勒。申定軍令。四月命

巴克什達海同筆帖式剛林蘇開碩爾馬渾托布戚

等四人翻譯漢字書籍。巴克什庫爾纏同筆帖式吳

巴什查素喀胡球詹霸等四人。記注本朝政事。以昭

信史。五月搜勦明故將毛文龍所屬諸島。副將石

廷柱往黃骨島。備禦石爾都他哈布往廣鹿島。遊擊

圖魯什往旅順口。羅璧哲爾德清善雅賴往新城一

路。六月備禦博爾察往新城一路。布爾吉赴雅爾

古。各擒殺有差。七月命孟阿圖往征瓦爾喀。九

月貝勒濟爾哈朗德格類岳託阿濟格畧明錦州寧遠焚其積聚秣馬田野中凡一月俘獲以三千計至是還額駙揚古利及阿山楞額禮雅賴往雅爾古殺毛文龍屬下採參人擒千總三員從人十六南界守備伊爾登勦獐子島獲明船四沈百三人擒二十七人阿祿部杜思噶爾濟農獻馬通好十月親伐明以蒙古喀喇沁部台吉布爾噶都烏嚮導命總兵吳納格副將蘇納率兵追察哈爾之逃入明國者獲人百馬牛駝羊各有差乙亥大軍次老河命貝勒濟爾哈朗岳託率右翼四旗及蒙古諸貝勒兵進攻

大安口至遵化城合軍命貝勒阿巴泰阿濟格率左翼四旗及蒙古兵從龍井關攻入

上與大貝勒代善莽古爾泰等率大軍繼發丁丑左翼攻克龍井關隨水關而入明副將易愛參將王遵臣來援皆敗死軍至漢兒莊城外會大貝勒莽古爾泰貝勒多爾袞多鐸至明副將標下官李豐率民薙髮出降又招降潘家口守備金有光遣其中軍范民良蔣進喬齎書來降戊寅攻克洪山口辛巳

上發洪山口至遵化遣明巡撫王元雅書十一月壬午朔右翼諸貝勒率兵會於遵化先是濟爾哈朗岳託

等於十月二十六日乘夜攻克大安口。遂進軍。明叅將張某率馬步兵來援。我兵擊走其前鋒。明兵屯二營於山上。濟爾哈朗率兵一半擊敗之。追至馬蘭營。盡殲其衆。又見明二營騎兵自遵化來援。駐深林內。岳託又進擊。大敗之。忽又一營敵兵至。隨分兵擊斬之。馬蘭營馬蘭口大安口三城俱降。二十八日趨石門。降之。羅文峪守備李思禮降。擢遊擊。明總兵趙率教以精兵四千援遵化。阿濟格擊斬之。莽古爾泰擒其中軍臧調元。初三日攻遵化城。正黃旗納穆泰率本旗攻北面之西。鑲黃旗額駙達爾哈攻北之東。正

紅旗額駙和碩圖攻西之北。鑲紅旗雍舜攻西之南。鑲藍旗額駙顧三台攻南之西。正藍旗拖博輝攻南之東。鑲白旗圖爾格攻東之南。正白旗喀克篤禮攻東之北。正白旗小卒薩木哈圖先登。大軍俱登。守陴兵潰。巡撫王元雅自縊。盡屠城中拒命者。殮元雅以棺。收養原任監司馬思恭。郎中賈維鏞。

上酌金卮勞薩木哈圖。褒諭之。授備禦世職。賜號巴圖魯。命叅將英俄爾岱遊擊李思忠。文館范文程等留守遵化。遣大貝勒莽古爾泰。墨爾根。戴青貝勒。多爾袞。額爾克楚虎爾貝勒。多鐸。貝勒杜度。薩哈廉。豪格率

兵二千赴通州河相視津渡兼捕哨卒。

上自三河縣起營。貝勒阿巴泰岳託分路進擊順義縣。

敗大同總兵滿桂宣府總兵侯世祿順義知縣率眾降。辛丑大軍逼燕京。

上親營於城北土城關之東。兩翼兵營於東北。明總兵滿桂侯世祿來援。至德勝門。寧遠巡撫袁崇煥總兵祖大壽屯沙窩門外。莽古爾泰爾分兵為三。時敵於右偏伏兵甚眾。豪格獨趨右偏。敗其伏兵。追殺至城濠。餘三貝勒阿巴泰阿濟格多爾袞由正路入。擊敗敵兵。亦追殺至城濠。先是獲明太監二人。監守之。至

是副將高鴻中參將鮑承先遵上密計。坐近二太監。故作耳語云。今日撤兵計也。頃上車騎向敵。有二人來見。語良久。乃去。意袁巡撫有密約。事可立就矣。時楊太監者佯卧竊聽。庚戌縱之歸。後聞明主用楊監言。執崇煥入城磔之。祖大壽大驚。率所部奔錦州。毀山海關而出。十二月壬子。總兵吳納格克固安縣。盡殲其眾。丙寅大軍發良鄉。趨燕京。營於京城西北隅。聞明滿桂墨黑雲龍麻登雲孫祖壽四總兵。柵永定門南二里許。以三鼓進兵。丁卯黎明。十旗大譟。齊進。毀柵而入。斬滿桂孫祖壽副將參遊等。凡三十

人擒黑雲龍麻登雲壬申遣阿巴泰等畧通州焚毀  
船隻攻張家灣克之遣巴克什達海愛巴里齋與明  
議和書二一置德勝門外一置安定門外丁丑遣  
岳託等率精兵四千圍永平遂克香河縣  
上與大貝勒等往視薊州情形會山海關步兵來援遇於  
城外二里許悉擊殲之

天聰四年正月辛巳朔大軍抵灤河壬午至永平甲  
申攻克之兵備道鄭國昌知府張鳳奇推官羅成功  
皆仰藥死戶部郎陳此心兵備道白養粹草職副將  
孟喬芳等皆降丙戌留貝勒濟爾哈朗等兵一萬守

城大軍向山海關進發擢白養粹為巡撫孟喬芳楊  
文魁為副將戊子孟喬芳楊文魁楊聲遠自永平來  
見

諭曰朕不似爾明朝之君與臣下情意隔絕凡我臣僚皆  
令侍坐各吐衷曲飲食同之己丑命教漢等蒙古兵  
攻昌黎縣諭以克城財物任取之教漢等諸貝勒樹  
梯攻城為敵所推墮不能克

上聞曰昌黎兵甚少何難攻克遣達爾哈等領千人助之  
仍不克

上自攜攻具攻之

諭曰倘拔其城違命者悉殲之。城上木石鎗礮齊發火燎梯折因焚近城廬舍而還。明灤州降命固山額真納穆泰等率兵守之。命貝勒阿巴泰率護軍駐防漢兒庄城。辛丑遇明兵八營皆擊敗射殺其兵部尚書劉之綸。二月。諭曰昨攻永平城副將阿山葉臣與猛士二十四人冒火登城乃我國第一等驍勇人也以後毋得再令攻城但令立諸貝勒固山額真左右對敵時同進彼自欲攻城亦宜止之。廝卒中有一二次率先登城者亦不可再令攻城以示愛惜材勇之意。丙辰。

諭諸貝勒曰爾等蒙天祐凡事皆當處之以義毋貪黷以利己毋偏庇以徇人。天人一理在下士卒悅服則天心亦嘉與之矣。自天聰三年十月征明抵燕京轉克遵化永平灤州遷安諸處。二月甲子班師命貝勒阿巴泰濟爾哈朗薩哈廉文臣索尼甯完我喀木圖率將士鎮守永平。文臣鮑承先白格率將士鎮遷安。固山額真圖爾格納穆泰偕文臣庫爾纏及高鴻中率將士守灤州。察哈喇偕文臣范文程守遵化。三月庚寅命大貝勒阿敏貝勒碩託率兵往代阿巴泰等鎮守永平灤州遵化遷安等處。四月辛酉貝勒

阿巴泰濟爾哈朗薩哈廉等率所部兵凱旋。五月  
明監軍道張春監紀官邱禾嘉總兵祖大壽馬世龍  
楊紹基副將祖大祿祖可法張宏謨劉天祿曹恭誠  
孟叢等率兵攻灤州固山額真納穆泰等屢擊却之。  
阿敏碩託遣大臣巴都禮率數百人往而盡收遷安  
守兵及居民入永平。明兵復攻灤州納穆泰等不能  
支遂棄城奔永平。明兵截戰我兵陣歿四百餘人。阿  
敏碩託將城內歸降漢官巡撫白養粹知府張養初  
太僕卿陳玉庭行人崔及第主事白養元知縣白珩  
掌印官陳清華王業宏陳元美叅將羅墀都司高攀

桂等悉戮之。並屠城中百姓。收其財帛。乘夜棄永平  
城而歸出冷口。其遣守遵化察哈喇等亦棄城還。眾  
貝勒大臣議阿敏十六罪。請誅之。

上免死幽禁。奪所屬人口奴僕財物牲畜。碩託草貝勒爵。  
奪所屬人口。湯古代希爾吉納穆泰巴布泰圖爾格  
雍舜備禦松俄圖遊擊恩特愛木布路叅將布山備  
禦黑勒尼馬察郎什德爾得赫各坐罪有差。七月  
定議。

太祖庶妃所生子。阿拜塔拜巴布泰巴布海賴慕布又弟  
之子。吳達海塔津拜伊圖鞏阿岱舒爾赫哈木加族

叔吳霸席庫撒哈席庫機爾塔席庫又姑母瑚雷與  
姨母之子柏爾肯卜賴吳布泰吳齊勘分代席爾談  
發庫又勒克舒子孫及顏布魯等俱免徭役  
天聰五年正月造紅衣大將軍礮成鑄曰天祐助威  
大將軍我國造礮自此始

上幸文館觀巴克什達海所譯武經內有昔良將用兵有  
餽軍膠者投諸河與士卒同流而飲夫軍膠不能味  
一河之水而思為致死者以滋味之及己云云

上諭曰觀古史所載將帥必體恤士卒如我額駙顧三台  
與敵交鋒士有戰死者以繩繫其足曳歸輕蔑士卒

若此何以得其死力乎三月以御書三函與兩大

貝勒及議政十貝勒八大臣令直言國事於是大貝

勒代善莽古爾泰貝勒阿巴泰濟爾哈朗墨根戴青

多爾袞岳託額爾克楚虎爾多鐸杜度薩哈廉豪格

固山額真額楞禮額駙達爾哈和碩圖色勒喀克篤

禮伊爾登葉臣各有所奏五月命總兵官額楞禮

喀克篤禮率兵征南海島六月親定功臣襲職例

七月議設統兵將帥每固山額真下兩翼各設梅

勒額真一員每甲喇各設甲喇額真一員其隨從紅

衣大將軍礮令總兵官修養性管理又定官制設立

六部每部以貝勒管理。其下設承政、叅政、啟心郎。改  
巴克什爲筆帖式。本賜名者仍之。聞明總兵祖大  
壽等興築大凌河城。晝夜督催。因統大軍征之。八  
月壬寅次舊遼河。蒙古諸貝勒各率兵來會。癸卯  
命貝勒德格類岳託阿濟格率兵由義州進發。屯於  
錦州大凌河之間。以俟。丁未兩路軍俱抵大凌河。  
時城牆已完。遂進圍之。

上以攻城恐傷士卒。乃命楞額禮達爾哈率本旗圍北面  
之東。阿巴泰率護軍在後。策應。覺羅色勒圍正南。莽  
古爾泰、德格類、策應、宗室篇古圍南之西。濟爾哈朗

策應、吳納格圍南之東。喀克篤禮圍東之北。多鐸策  
應、伊爾登圍東之南。多爾袞、策應、和碩圖圍西之北。  
代善、策應、鄂本對圍正西。葉臣圍西之南。岳託、策應、  
蒙古諸貝勒各率所部兵圍其隙處。佟養性載礮當  
錦州大道而營。諸將各固守。汎地勿縱一人出城。又  
環城掘濠。深廣各丈許。濠外築牆。高丈許。牆上加堞  
口。牆內距五丈餘地。又環掘濠。廣五尺。深七尺五寸。  
濠上鋪秫稻。覆以土。營外亦掘濠。深廣各五尺許。城  
內不能通出入。辛亥招降大凌河西山一臺。南  
岡一臺。壬子繫書於矢。射入大凌河城。諭諸蒙古

癸丑明兵出城誘戰。我副將孟坦屯布祿備禦多  
貝侍衛戈里及士卒十人歿於陣。是日以礮攻城  
西南隅一臺。甲寅大凌河岸一臺降。又以礮攻城  
東一臺崩。丙辰城外一臺降。丁巳明兵二千自  
松山來援前哨阿山等擊敗之。甲子命阿濟格等  
率精兵往錦州松山遮擊明兵。丁卯明兵六千來  
攻阿濟格營。時大霧覩面不相識。及敵將至有青氣  
自天衝入敵營。霧中開如門。於是阿濟格碩託列陣  
以待。大敗敵兵。追至錦州城下擒遊擊一員。獲馬二  
百有六。八月辛未大凌河城內城兵突出。我兵來

攻敗之。九月乙亥命譚布邀擊明兵出城樵採者

丁亥聞明兵援錦州。

上率親隨護軍前行。明兵七千潰遁。斬副將一員。收軍拜  
天。庚寅使卒偽為錦州援兵。

上親率護軍伏於山內。祖大壽見之。率兵出城。宗室篇古  
等四營齊出。明兵大敗。

上率伏兵掩至。敵奔入城。自是不敢復出。乙未明太僕

寺卿監道張春總管吳襄鍾緯等率副將以下百餘

員馬步兵四萬來援。過小凌河。

上欲擊之。見其壁壘嚴整。乃止。戊戌明兵起營趨大凌河。

距城十五里立營。我先遣精騎扼敵歸路。兩翼兵直衝其營。敵陣堅不動。火器齊發。聲振天地。我右翼衝入。明總兵吳襄副將桑阿爾賽等先奔。時有黑雲從風西來。向我軍。敵乘風縱火。勢甚熾。將逼我陣。天忽雨。反風向敵。敵遂潰。遇伏。悉殲焉。生擒張春。張洪謨等三十餘員。盡獲其駝馬器械。張春獨不跪。上怒。援弓欲射之。代善諫曰：「此人欲以死成名。奈何殺之。以遂其志。遂置之。是戰也。祖大壽復以為計誘。故無一人出者。是晚遣賜張春珍饌。春不食。固求死。後餓二日。復賜食。乃受而食之。後每飯。」

上皆親閱以賜。十月遣祖大壽書招之降。未幾城中糧盡。析骸而炊。殺人而食。大壽欲突圍不得。復遣陣獲參將姜新招之。大壽降志乃決。遣其養子祖可法為質。諸貝勒問曰：「爾等死守空城。何意？」曰：「因前屠戮永平遼東降民。是以畏死耳。岳託曰：遼東之事。我等不勝追悔。永平乃二貝勒阿敏所為。已論罪幽禁矣。戊戌大壽殺其副將何可剛以降。可剛含笑而死。十一月縱祖大壽入錦州。丁巳大軍旋。張春不肖。薙髮令與白喇嘛同居三官廟。

天聰六年正月。管兵部事貝勒岳託言：先年克遼東

廣寧誅漢人拒命者。後復屠永平灤州。以是人懷疑懼。縱極力曉諭。人亦不信。今天以大凌河與我。臣愚以爲當善撫養。撫養之道。當先與以家室。凡一品官以諸貝勒女妻之。二品官以國中大臣女妻之。仍出公祭。以給其需。各官宜令諸貝勒人給莊一區。復察各牛錄下寡婦。給配各官從人。至明之兵士。察漢民女子寡婦。及八貝勒下莊頭女子。令其配給。其餘更令殷實商賈。分給婚配。毋致一人失所。則人心歸附。而大業可成矣。詔納之。

賜門都號阿爾薩蘭土謝圖布庫。杜爾麻號詹布庫。特木

德赫號巴爾巴圖魯布庫。三人皆蒙古人。膂力絕倫。善角觝。二月。以大凌河歸降。及俘獲漢人。分隸副將下。各五十名。叅將下。各十五名。遊擊下。各十名。盡令移居瀋陽。以國中奴女千口配之。其餘令國中諸貝勒大臣各分四五人。配以妻室。善撫養之。三月。以國書十二字頭。無圈點。上下字雷同。無別命。巴克什達海酌加圈點。以分析之。四月。親率大軍。征察哈爾。次都勒河。聞察哈爾汗林丹奔庫黑得勒酥。乃還。趨歸化城。會有察哈爾國左界與喀喇莽奈之境相接。因罷征明之師。復往征察哈爾。五月。大軍次

胡喇戶。以察哈爾遁。復議征明。大軍次木魯哈喇。克沁命貝勒阿濟格等率左翼兵。掠大同宣府一帶。濟爾哈朗等統右翼兵。掠歸化城黃河一帶。六月。遣書明沙河堡官。索回察哈爾逃入堡中人畜及賞。察哈爾財物悉送出。遣官賚書詣大同。賜知宣府各官議和。甲子。與明宣化巡撫沈某總兵董某等議和。定盟約。大軍還。天聰七年正月。諭各牛錄額真曰。田疇廬舍。民生攸賴。勸農講武。國之大經。民間樹藝。一一嚴飭。徭役勿累貧民。再督率所率。三時習射。此係我國制勝之技。

可不努力學習耶。三月。遣貝勒濟爾哈朗築岫巖城。貝勒阿巴泰築攬盤城。貝勒阿濟格築通遠堡城。貝勒杜度築醜場城。分兵駐守。八月。壬戌。遣貝勒阿巴泰等統兵二千。畧明山海關一路。俘人畜二千四百有奇。

天聰八年正月乙巳

上御殿。命阿爾薩蘭與土謝圖濟農巴達禮托薩克圖杜楞布塔齊噶爾珠塞特爾三貝勒下。選拔力士六人。較力。阿爾薩蘭一一高舉擲之。人稱奇勇。二月。命阿山率護軍大兵。齎拜等畧錦州。三月。戊子。還。辛

卯命譚泰圖爾格畧錦州。四月以瀋陽為天眷盛京。赫圖阿喇城為天眷興京。辛巳初命禮部考取通滿洲蒙古漢書文義者為舉人十六人。各賜衣一襲。免四丁。宴於禮部。五月征東海虎爾哈部季思哈。吳巴海遣人奏捷。俘獲男婦馬牛皮張。各有差。

七月

上親率大軍由宣府畧朔州一帶。定議四路兵俱於七月十八日入邊。八月命諸貝勒率兵畧山西代州朔州等路。甲子攻克應州石家村堡。甲戌上圍大同城。壬午大軍至懷遠。癸未大軍至右左衛城南。

駐營。閏八月甲戌駐城東。丙午駐左衛河北。丁亥攻萬全左衛克之。庚寅班師。十二月命梅勒章京霸奇蘭。甲喇章京薩木什喀率兵征黑龍江。分別畧管牛錄。遣吳巴海。荆古爾代率兵征瓦爾喀。天聰九年正月詔

太祖庶子稱阿哥。六祖子孫俱稱覺羅。命繫紅帶以別之。如人相詆。不得詈及祖父。違者罪死。二月以和碩墨爾根。戴青貝勒。多爾袞。貝勒。岳託。薩哈廉。豪格為統兵元帥。固山額真納穆泰為右翼。吏部承政圖爾格為左翼。率護軍及精兵萬人。往收察哈爾。林丹汗

之子額爾克字侯致孔果爾額哲。上年察哈爾亂。其汗已死。其屬來歸者紛紛。故有是舉。四月。霸奇蘭等捷音至。收服壯丁二千四百八十三。人口七千三百有二。俘婦女幼稚一百十六。牲畜他物稱是。吳巴海等捷奏至。收服壯丁五百六十。婦女五百口。幼穉九十。又俘婦女六十六。牲畜他物稱是。五月。命和碩額爾克楚虎爾貝勒多鐸等率兵入寧錦界。明兵禦我大凌河。奔潰。追斬其副將劉應選。擒遊擊曹得功。殲其兵五百人。距錦州城五里。收軍還。多爾袞等奏大軍至西喇朱爾格。遇察哈爾汗妻囊囊太后瑣諾

木台吉率一千五百戶降。隨渡黃河。抵額哲所駐托里圖。其國無備。額哲及其母蘇泰太后率眾寨桑并部民一千戶歸降。是歲東方之國。兩次來歸。察哈爾舉國內附。各處蒙古俱降。惟明國僅存。然國事日非。亡不久矣。八月。多爾袞等凱旋。獲歷代傳國玉璽。元順攜逃沙漠。後隨遺失。越二百餘年。牧羊者見羊三日不食。以蹄跑地。掘獲之。後歸林丹汗。今得於蘇泰太后所。其文漢篆制誥之寶四字。璫璣為質。交龍為紐。光氣煥爛。洵至寶也。多爾袞等三貝勒率兵並察哈爾汗子額爾克孔果爾額哲及其大臣畧明

山西一帶自平魯衛入朔州抵長城經寧武關代州忻州崞縣黑峯口應州而復還平魯斬明兵六千餘人俘人畜七萬六千二百有奇乃出邊凱旋設蒙古都統八旗各一下設副都統叅領各二

遼左肇基紀畧第三

任邱金象豫介公輯錄

崇德元年二月定諸臣冠飾各賜金頂以示別。因賜超品公額駙揚古利宗室篇古嵌東珠金頂。滿洲蒙古漢軍固山額真承政等以寶石金頂。三月改文館為內三院。一內國史院。一內秘書院。一內弘文院。諭諸臣曰喇嘛等以供佛持戒為名。潛肆奸貪。真妄人耳。蒙古諸人深信其懺悔超生等語。致有懸轉輪結布幡之事。嗣後俱宜禁止。四月羣臣上尊號曰寬仁皇帝。改天聰十年為崇德元年。定有天下之

號曰清。追尊始祖澤王。高祖慶王。曾祖昌王。祖福王。上。

皇考尊諡曰承天廣運聖德神功肇紀立極仁孝武皇帝。廟號太祖。陵曰福陵。

皇妣尊諡曰孝慈昭憲純德貞順成天育聖武皇后。封諸貝勒爲親王。郡王有差。五月命武英郡王等率師征明。七月武英郡王等會師出延慶州。俘人畜一萬五千有奇。九月武英郡王阿濟格等奏我兵入長城過保定。至安州克十二城。五十六戰皆捷。生擒總兵巢丕昌等。獲人畜十八萬。十二月親征朝

鮮。前鋒至王京。李保遁南漢山城。我軍圍之。乙亥。上率大軍由城外徑渡漢江。抵南漢城西。朝鮮兵屢來援。皆敗之。

崇德二年正月以書諭朝鮮國王。是日李保上書稱臣謝罪。取江華島。獲朝鮮王妃二。閣臣侍郎各一人。並財物及羣臣家口。二月壬申班師。李保出王京城跪送。

諭曰爾人民家口已盡付還矣。命送還王京。四月武英郡王阿濟格攻克皮島。斬守將沈世奎。命固山貝子尼堪羅託博洛等與議國政。每旗各設議政大臣

三員。六月甲寅。

上夜夢至興京謁

太祖

太祖騎而馳禮親王代善挽之不及既而恍入明宮中見

一人以絲絛綾飾珊瑚授之以為明萬曆帝欲無受

諦視乃金代神像出一編授曰此金國史也乃受之

及覺召內院儒臣告之對曰昔上夢入朝鮮宮果得

朝鮮今夢入明宮授以前史蓋天之歷數在

皇上矣。先是遣章京尼堪等征瓦爾喀至是皆降之。

十一月命葉克書星納等征卦爾察。是年分漢軍

為左右翼旗色皆用元青石廷柱為左翼都統馬光

遠為右翼都統四年分漢軍為鑲黃鑲白鑲紅鑲藍

四旗七年分八旗

八旗次序鑲黃正黃正白正藍鑲紅鑲白正藍鑲藍五旗統以宗室王公八旗方位鑲黃正白鑲白正藍為左翼正黃正紅鑲紅鑲藍為右翼

崇德三年五月親征喀爾喀旋師七月更定六部

理藩院都察院八衙門官制每衙門設滿洲承政一

員以下設左右叅政理事副理事主事等官共五等

諭禮部有效他國衣冠束髮裹足者重治其罪八月誅

啟心郎孫應時先是禮部承政甲喇章京祝世昌條

奏俘獲敵人妻女不可令其為娼妓一疏奉

旨切責。至是會訊。以世昌身在本朝。其心在明國。護庇漢人。與奸細無異。應論死。命免之。以應時代。為改正。依議正法。賜中式舉人羅碩等十名。各朝衣一領。授半個牛錄章京品級。各免人丁四名。一等二等三等生員。各賜紬布。授護軍校品級。免一丁二丁。有差。九月。以睿親王多爾袞為奉命大將軍。貝勒豪格阿巴泰副之。統左翼。貝勒岳託為揚武大將軍。貝勒杜度副之。統右翼。兩路征明。岳託等從密雲東北。牆子嶺口。毀牆分四路入。遇明總督吳阿衡兵六千。敗之。又連敗其副將。守備援兵。我軍所入之關。漢名牆

子嶺。蒙古名達吉布拉。牆子嶺西一關。漢名黑峪關。蒙古名黑呼龍。又一關。漢名曹家寨。蒙古名海龍。又一關。漢名古北口。蒙古名莫爾托石。牆子嶺東一關。漢名將軍石。蒙古名烏什根。又一關。漢名黃崖口。蒙古名古章。又一關。漢名馬蘭峪。蒙古名馬賴。多爾袞等自董家口東。青山關西。由邊牆缺處。毀牆入。上以明人聞我二路進兵。則山海關以東。寧遠錦州兵必往西援。欲牽制其援兵。十月。命鄭親王濟爾哈朗。貝子碩託。各率本旗護軍。及喀喇沁兵。從前屯衛寧遠中間進發。豫親王多鐸。貝子博洛。亦率護軍。及土默

特兵從寧遠錦州中間進發。

上親率大軍從義州一路進發。是月多鐸等聞桑噶爾  
賽舊居之堡無備。攻克之。戮其守備及男子。獲婦女  
幼丁及牲畜。十一月多鐸兵過中後所。會明總兵  
祖大壽率兵往援燕京。路遇。遂來襲。我兵陣死者九  
人。失馬三十匹。大軍進發山海關。

上親統大軍至中後所。大壽見我軍至。退入城內。

上賜之勅不報。

鄭親王濟爾哈朗克摸龍關。又攻克五

里堡墩臺。獲人畜。又縱掠。獲人口二百餘。牛馬等共  
數百。庚午。大軍自中後所班師。

崇德四年正月封新附總兵沈志祥為續順公。二

月乙未遣漢軍固山額真昂邦章京石廷柱馬光遠  
率兩旗兵運紅衣礮。西征明國。丁酉遣武英郡王

阿濟格率將士征明。壬寅

上親統大軍征明。壬子攻松山城弗克。命阿濟格等

率四旗護軍守塔山連山。三月戊午朔明太監高

起潛總兵祖大壽自寧遠遣兵九百。船十隻。由水路

援杏山。我兵擊之。獲船一艘。殺五十人。丙寅征明左

翼多爾袞等奏報曰。臣等毀明邊關而入。兩翼兵約

會于通州河西。由北邊過燕京。自涿州分兵八道。一

沿山下。一沿運河。於山河中閒。縱兵前進。燕京迤西千里內六府俱已蹂躪。至山西界而還。復至臨清州。渡運糧河。攻破山東濟南河府。至京南天津衛。克城三十四。降城六。敗敵陣十七。俘人口二十五萬七千八百八十。將士無一傷者。右翼社度奏曰。臣等從明燕京西至山西界。南至山東濟南府。蹂躪其地。克城十九。降城二。敗敵陣十六。殺其總督二人。及守備以下官百餘員。生擒親王郡王奉國將軍各一。俘人口三十萬四千四百三十三。金四千三十九兩。銀九十七萬七千四百六兩。兩翼俱從。遷安縣回徑太平寨。

出青山關。四月凱旋。我阿爾薩蘭於錦州烏欣敗明援兵。擒副將楊震。

上親率四旗護軍。馳往錦州。縱兵攻其山寨。敗之。沿山搜勦兩夜。斬副將徐永昌。擒副將祖克勇。遣騎兵往助阿濟格守塔山。

車駕自松山還。錦州西北駐營。阿濟格畧連山。獲人馬千計。五月命鄭親王濟爾哈朗等畧錦州杏山等處。辛酉。

上班師。濟爾哈朗奏自入明邊。敗敵九次。俘獲二千三百二十。九月遣武英郡王阿濟格。貝勒阿巴泰。杜

度等率兵畧錦州寧遠。十月遣肅親王豪格自勒多鐸等畧錦州寧遠。十一月豪格報寧遠兵出北山岡擊敗之。斬總兵金國鳳及其二子。遣索海薩穆什喀等征索倫部。

崇德五年正月遣翁岱多濟里等率將士防戍錦州。二月遣碩翁科巴圖魯勞薩率將士往廣寧捉生。三月命鄭親王濟爾哈朗貝勒多鐸率兵守義州城。駐劄屯田。令山海關外寧錦地方不得耕種。往征索倫虎爾哈部。索海薩穆什喀奏報共獲男子三千一百五十四。婦女二千七百一十三。幼小一千八

十九。他物稱是。五月濟爾哈朗等至杏山迎降人。蒙古蘇班代。明總兵祖大壽。吳三桂。劉智周。遊擊戴明。共兵七千。來逼我軍。縱擊大敗之。擒副將楊倫。周延州叅將李得位。壬寅。

上率八旗護軍騎兵向錦州進發。乙巳至錦州。攻降城北。瞭馬山臺。盡刈錦州城東禾稼。六月命睿親王多爾袞。肅親王豪格。貝勒杜度。阿巴泰等往代濟爾哈朗等於義州築城屯田。七月諭多爾袞等將兩翼兵暫行分駐。一斷敵往來之路。一投誠人可乘便而來。一我兵易於收穫。弗為敵乘間竊刈。其已收糧草。

據堅固處所存貯。多爾袞奏。七月初八日夜。明錦州兵五百來襲。我鑲藍旗貝子羅托公吞齊等擊敗之。遣前鋒統領吳拜率前鋒兵一半。往助睿親王軍。並傳諭睿親王肅親王。前次擊敵。殊為失策。敵來。但固守營壘。俟相近。乃可擊。前此迎戰。非計也。丙午。遣席特庫濟席哈等率兵。並徵外藩兵。東征索倫部落。睿親王等奏。錦州兵馬一千出城。我軍擊敗之。獲馬百餘。又伏兵寧遠路。獲明關內所運米千石。及騾馬等。殺押車卒三百九十。八月。命參領希福等往張家口交易。九月。命鄭親王濟爾哈朗武英郡王

阿濟格郡王阿達禮貝勒多鐸羅洛宏等率將士一半。往代睿親王等圍錦州松山。初九日。睿親王等悉眾出。誘敵於杏山城山嶺間。松山騎兵出馳。擊敗之。及還。敵復來襲。又擊敗之。掩殺至松山城下。及還。松山兵又出。亦敗之。多鐸率兵。夜往錦州西桑噶爾賽堡設伏。敗明伏兵。追至塔山。又聞敵夜於杏山間運糧。遣兵往畧。擒斬百人。獲牛騾百。十一月。命睿親王多爾袞肅親王豪格貝勒杜度阿巴泰將士之半。往代鄭親王等圍困錦州。十二月。出征索倫部。席特庫等奏報於齊洛台地方。擒獲博穆博果爾

及其妻子家屬男婦幼稚九百五十六馬牛八百四十八

崇德六年二月申諭各牛錄先是命戶部察滿洲蒙古十六旗下牛錄各以人口牲畜注冊分別貧富至是部覆將貧窮牛錄之該管章京等解任

上諭曰牛錄下貧乏皆因章京及撥什庫等耽嗜飲酒荒惰職業之故又諭王貝勒大臣曰爾等何不親率人習射耶子弟壯者當令以角弓羽箭幼者以木弓柳箭我國武功首重習射不習射之罪非用烟可比用烟之禁前因爾等私用所以不能治人至於射藝切

不可荒廢嗣後嚴加督率多爾袞奏報臣等圍困

廣寧山城時擊敗錦州松山援兵四百餘斬二百餘人固山額真阿山襲取山城之小者俘男婦六十餘索海雍舜及安平貝勒屬下兵共擊斬錦州兵一百七十餘人三月蒙古巴圖等率男婦九百餘毀大同陽和邊牆叛明來降多爾袞曾私甲兵還家又移軍過國王牌離錦州三十里駐營

上聞大怒曰原令由遠漸近圍逼錦州所以困之今離城遠駐敵必多運糧草入城何時能得錦州耶因降勅切責至是命鄭親王濟爾哈朗率兵往代多爾袞等

還至遼河。命出征諸王貝勒貝子公固山額真梅勒章京護軍統領及議政大臣等官俱駐於舍利塔旁。不許入城。遣大臣訊狀。凡倡言遣人還家者。即指明舉出。爾等應得何罪。自行定議具奏。睿親王肅親王等皆引罪。

上益怒。降睿肅二王爲郡王。罰銀阿巴泰以下。各罰銀有差。始許入城。命朝鮮總兵柳琳等率兵往助鄭親王軍。鄭親王濟爾哈朗武英郡王阿濟格郡王阿達禮貝勒多鐸等圍困錦州。四面立八營。繞營浚深濠。沿濠築堞。口兩旗之間。復浚長濠。近城設邏卒哨。

探城中蒙古呼曰爾等圍困何益。城中積粟可支二三年。縱圍之。豈可得耶。邏卒應之曰。無論二三年。縱有四年糧。至五年後。復何所食。於是城中蒙古貝勒諾木齊吳巴什渾錦等。知我志在必得。謀來降。遣人持書縋城。約二十七日。夜進兵。二十四日。祖大壽聞。欲擒之。吳巴什等率關內蒙古兵與戰。我軍聞之。至城下。策應。蒙古縋繩。我軍援繩。齊上。明兵敗。入城內。我軍據其外城。降蒙古官屬八十六員。男婦二千二百餘名口。捷音至。上大悅。命入門擊鼓。召衆於篤恭殿宣捷。四月。明援兵

自杏山至松山。濟爾哈朗阿達禮羅洛宏等伏兵於錦州南山西岡。阿濟格多鐸等伏兵於松山北嶺前。鋒兵誘敵伏發。大敗之。斬百七十級。獲馬百十六匹。甲七十六副。六月命多爾袞豪格率將士之半。往代鄭親王等圍錦州。從內三院大學士范文程等奏於滿漢蒙古內考取生員舉人。明關內援兵由松山城沿海前進。我左翼兵追及。敗之於松山城濠。獲馬五十餘匹。庚午睿郡王等奏。明關內援兵由松山來。我兵追擊五里。獲馬五百七十匹。七月漢軍固山額真石廷柱言。我軍圍困錦州。度明必與我

併力一戰。此時現在困城者。不必更換。仍將更換之兵。挑選精壯秣馬以待。一旦有警。我軍縱橫馳擊。大創一番。敵寒心喪膽。錦州從此失恃。不能固守矣。錦州破。則關外八城震動。安知非當年瀋陽得而遼陽隨破。沙嶺捷而廣寧隨順之一大機會哉。八月

上聞洪承疇等率兵十三萬來援錦州。即傳檄各部軍馬。星集京師。於十五日起行。命鄭親王留守。戊午渡遼河。壬戌至松山。陳師於松山杏山之間。自烏欣河南山至海。橫截大路。駐營。謂諸臣曰。但恐敵聞朕親至。將潛逃耳。如不逃。朕必令爾等破此敵。如縱犬逐獸。

易如拾芥。不知勞苦也。是時明兵於松山城北乳峯山岡結營。合騎步兵號十三萬。其領兵總督洪承疇巡撫邱民仰兵道張斗姚恭王之楨兵部郎中張若騏總兵王樸李輔明唐通白廣恩曹變蛟馬科王廷臣吳三桂及副參遊守二百餘員見

上親率大軍大懼。合謀退遁。癸亥明總兵八員率兵犯我前鋒。我軍擊敗之。追至塔山。獲其筆架山積粟十二堆。是日浚濠斷松山杏山路。是夜明諸將欲遁。撤其七營步兵迎松山城而營。甲子敵犯鑲紅旗汛地。擊却之。

上諭諸將曰。今夜敵必遁。命兩翼八旗護軍及騎兵蒙古兵前鋒兵比翼排列。直抵海邊。敵遁百兵。則以百人追之。千兵。則以千人追之。敵眾則躡後追擊。直抵塔山。是夜初更。明總兵王樸唐通吳三桂馬科白廣恩李輔明等率馬步兵沿海潛逃。我軍相繼追擊。

上又命蒙古固山額真庫魯克達爾漢阿賴等。各率所部伏杏山路。遮擊敵之遁。入杏山者。又命睿郡王等率四旗護軍往錦州大路。至塔山大路橫擊之。又命將往筆架山防護糧糗。又命鎮國將軍巴布海等。各率所部往塔山截其路。有奔至。悉戮之。又命武英郡王

率兵亦截塔山路。倘敵欲越塔山。當率巴布海等自寧遠直抵連山。追擊之。又命固子貝子博洛率兵往桑噶爾賽堡截擊。又聞明郎中張若騏從小凌河乘舟遁。命梅勒章京賴護守率兵追之。又命固山額真譚泰率兵往小凌河西。絕其歸路。又命梅勒章京多濟里追擊敗兵。又命固山額真伊拜等於杏山四面截擊。敵之奔入西山者。又命固山額真恩格圖等追擊。逃兵悉如屠算。明兵竄走。彌山徧野。自杏山迤南沿海。至塔山一路。赴海死者。不計其數。乙丑。命固山額真劉之源。攜紅衣礮。同睿郡王武英。郡王攻克

四臺。擒其副將王希賢。參將崔定國。都司楊重鎮等。總兵吳三桂。王樸。奔入杏山。是日

上移營松山。其夜曹變蛟率乳峯山馬步兵。棄寨遁。欲乘

夜衝圍去。其兵一半。突入御營。時大臣侍衛俱未至。

軍中大驚。侍衛坤獨守營門拒戰。變蛟中創。奔還松

山。丁卯。命宗室錫翰。國戚多爾濟等。率兵伏於高

橋大路。及桑噶爾賽堡。以杏山逃兵。必由此路。果有

千人。自杏山出。伏兵敗之。追至塔山。斬獲甚多。是晚

命貝勒羅洛宏。貝子博洛。內大臣圖爾格等。率精兵

隨多鐸。設伏杏山西臺。己巳。吳三桂。王樸。從杏山

出奔寧遠。我兵從大路追擊。三桂等奔至高橋。多鐸等伏兵縱擊。三桂王樸僅以身免。多鐸等各還營。壬申命內大臣超品公塔瞻伊爾登率每旗精兵五十名。設伏高橋。方出營。遇明兵千人。追斬之。至高橋。遇明兵六百八十。盡殲之。是役也。破明兵十三萬。如摧朽拉枯。計斬級五萬三千七百八十三。獲馬七千四百四十四。駝六十六。甲冑九千三百四十六。副明兵自杏山南至塔山。赴海死者甚衆。所棄馬匹甲冑以數萬計。海中浮屍多如雁鷺。其被我圍於松山者。總督洪承疇巡撫邱民仰。兵道張斗姚恭王之植通。

判袁國棟。朱廷榭。同知張爲民。嚴繼賢。總兵王廷臣。曹變蛟。祖大樂等。士卒不過萬餘。城內糧且絕。勢益窮。感我軍復掘濠困之。總兵吳三桂。王樸。白廣恩。馬科。李輔明。唐通。郎中張若騏。俱竄去。前鋒參領努山等自明董家口。喜峯口偵探回。奏擊敗明步哨五十一營。斬百四十五人。騎哨十一人。擒守備一。九月乙酉。命貝勒杜度。阿巴泰。固山額真譚泰。阿山。葉克書。準塔巴圖魯。會馬喇希。巴特馬等圍守錦州。貝勒多鐸。郡王阿達禮。貝勒羅洛宏。固山額真宗室拜伊圖。公艾度禮。額駙英俄爾岱。庫魯克達爾漢。

阿賴恩格圖伊拜等圍守錦州松山。武英郡王阿濟格外藩科爾沁國卓禮克圖親王吳克喜巴圖魯郡王滿朱習禮等圍守杏山高橋。乙未遣學士額爾黑往諭鄭親王濟爾哈朗武英郡王阿濟格阿達禮貝勒多鐸等曰：錦州松山所掘濠塹，可周圍巡視，其城外薪草，即令我兵割取。丙申，一鼓松山城內外馬步全出，犯我鑲黃旗汛地，我兵擊敗之。斬<sup>首</sup>有七級，獲其兵器。十月丙辰，命鎮國將軍阿拜率兵往錦州南乳峯山駐防。十一月甲寅，濟爾哈朗奏：洪承疇以兵千人夜犯我營，我軍擊敗之，斬四百餘人。敵退入松山城，門閉不得入，兩日之內收服二千餘人。其從杏山宵遁者，為我伏兵所殺，凡五百七十四人。丙寅，命祖澤洪赴錦州，索取妻子，說其父大壽。澤洪至錦州，未得交語而還。

崇德七年二月，阿濟格遣兵畧寧遠，獲牲畜。明總兵吳三桂等遣兵躡我後，擊敗之。明松山副將夏承德以其子夏舒為質，約內應。二月十八日夜，豎梯於城南，我軍齊登，生擒明總督洪承疇、巡撫邱民仰、總兵王廷臣、曹變蛟、祖大樂、遊擊祖大名、祖大成、總兵白廣恩之子良弼等，其兵道一員、副將十員、遊擊都

紅旗或當是總旗

紅旗千把總等官百餘員。兵三千六十三名。盡殲之。三月癸酉。圍杏山。郡王阿濟格奏報。明國訂於三月初四日。遣人講和。迄今未至。寧遠總兵吳三桂等。遣將率兵駐於塔山。我軍禦之。不戰而退。諭豪格等將洪承疇。祖大樂解至盛京。邱民仰。王廷臣曹變蛟着處死。祖大成。祖大名縱還錦州。己卯。錦州援絕糧盡。祖大壽率眾出降。命大壽部下悉與留養。其他盡誅之。凡蒙古俱察出處斬。杏山塔山兩處。可令大壽說之降。并令遣人往寧遠。己酉。明遣總兵錦衣衛等官齎來勅諭一道。係諭兵部尚書陳

新弔其畧云。據卿奏。遼陽有休兵息民之意。力保其出於真心。我國家不難聽從。以仰體上天好生之仁。以復還我祖宗恩義聯絡之舊。特諭卿便宜行事。云云。

上以既與我國書。何云諭兵部尚書。既諭陳新弔甲。用皇帝之寶。况所用非真寶。且札內有藐視我國語。實無講和真心。着王貝勒等以實意傳示於彼。乙未。毀松山城。四月丁未。以勅諭明寧遠總兵吳三桂。白廣恩等。又令張存仁。祖可法。裴國珍。吳三鳳。胡宏先等。各遺三桂書一函。鄭親王睿。郡王肅。郡王等。以紅

衣礮攻克塔山城。城中官屬兵丁共七千。盡殲之。諭令料理既畢。平其城垣。大軍進駐高橋。鄭親王等以紅衣礮攻杏山。杏山降。獲男子二千五百七十六。婦稚四千二百六十二。命毀杏山城。鄭親王等率護軍還京。五月。明遣兵部員外郎馬紹愉主事朱濟之副將周維壙魯宗孔等來求和好。

上命迎於二十里外。設宴宴之。令來使行一跪三叩頭禮。來使攜有勅書一道。云。勅諭兵部尚書陳新甲。昨據卿部奏稱。前日所諭休兵息民事情。今未有確報。因未遣兵至瀋。未得的音。今准該部便宜行事。差官前

往確探實音具奏。特諭。六月。遣明使馬紹愉等還復書畧曰。大清國皇帝致書於明國皇帝。向來構兵蓋因爾國無故害我二祖。及爾國反肆憑陵。奪我土地。我

皇考太祖皇帝於是昭告天地。親征爾國。其後每欲致書修好。而爾國不從事。漸滋蔓。遂至於今。今予嗣位以來。蒙天眷佑。自東北海濱。迤西北海濱。其間使犬使鹿之邦。產黑貂黑狐之國。不事耕種。漁獵為生之俗。厄魯特部。以至幹難河源。在在臣服。蒙古及朝鮮悉入版圖。乃昭告天地。受號稱尊。國號大清。改元崇德。

我軍每入爾境。輒克城陷陣。然予仍願和好者。特爲億兆生靈計耳。若兩國誠心和好。自茲以後。宿冤盡釋。尊卑之分。何必計哉。古云。情通則明。情蔽則暗。若爾國使來。予令面見。予國使往。爾亦令面見。則情不壅塞。而和好可久。至吉凶大事。當遣使交相慶弔。每歲貴國饋黃金萬兩。白金百萬兩。我國饋人參千斤。貂皮千張。以寧遠雙樹堡中間土嶺爲貴國界。以塔山爲我國界。連山適中之地。兩國於此互市。倘願成和好。速遣使齎和書及誓書來。予亦齎書以往。否則再勿遣使致書也。七月。命輔國公博和託等率將

七代貝勒阿巴泰等守錦州。九月。固山額真墨爾根侍衛李國翰言。明國人心搖動。惟當直取燕京。則大業克成。

上諭曰。取燕京如伐大樹。須先從兩旁砍。則大樹自仆。今不取關外四城。豈能即取山海關。今明精兵已盡。我四圍縱畧。彼日衰。我日強。從此燕京可得矣。遣固山貝子羅託。博洛尼。堪等率將士往代博和託等戍守錦州。命沙爾虎達。赫業。朱馬喇率將士征虎爾哈。十月。朝鮮王李保密奏。閣臣崔鳴吉。兵使林慶業等。潛通明國。遣多羅額駙英俄爾岱等往鳳凰城。

鞠訊。鳴吉、慶業等與平壤觀察使林尚和會於平壤箕子廟中。作書遣送明國。是實。朝鮮王饋送銀朱人參及高調文等八人。往來明境。賣參俱實。奉

旨。八人即正法。鳴吉繫獄。尚和草職。慶業在逃。繫其家屬。

辛亥命阿巴泰為奉命大將軍。與內大臣圖爾格統將士征明。

上諭曰：爾等一入明境，遇老弱毋妄殺，毋離人妻子，毋焚燬財物。昔兵臨山東，有索財物而嚴行拷逼者，非仁義之師也。切當以為戒。己未命多鐸、阿達禮率兵赴寧遠邊外立營，以牽制寧遠援兵。且兼捉生，又以

勅及祖大壽書諭寧遠總兵吳三桂。十一月多鐸

等奏報明總兵吳三桂率馬步兵出戰，軍擊敗其騎

卒。隨征明左翼前鋒叅領羅碩侍衛胡沙右翼席特

庫胡禮布俱還。奏言左翼兵前進地平路濶，兩旗兵

並至，殺沿路哨卒七十二人。十一月初五日從界嶺

口，毀邊牆入，擊敗明大同兵二千五百于抬頭營。獲

馬三百三十三匹。右翼兵前進地隘路險，單騎而進。

擒明偵卒。言黃崖口外四十里有石城關，甚隘。木柵

三層，又距二十里有雁門關，用石圍砌大礮，伏藏地

雷。遂遣兵乘夜打毀兩關，取其地雷。戮守關兵。初八

日。至黃崖口。分兵夾攻。遂克長城。兩翼登城。右翼居先。斬守備一。城內兵潰走。初九日。聞薊州各鄉民俱竄入山。遣兵往取糧米牲畜。初十日。自黃崖口。向薊州圍其城。是日。薊州總兵白騰蛟馬兵在前。馬蘭峪總兵白廣恩馬步兵六千在後。與我軍遇。擊敗之。擒參將一。陣斬遊擊三。獲馬六百三十六。沙爾虎達等奏報。招降喀爾喀木遮克特庫塔土庫福提希俄爾。渾窪齊奇庫巴查喇額額提奇薩厄野爾北十七人民一千四百五十八。命奉國將軍巴布泰巴山率將士駐防錦州。十二月。命梅勒章京金維城率

漢軍馬步兵。更番駐防錦州。朝鮮遣將率兵赴錦州助防。命迎宴之。

崇德八年正月。命梅勒章京譚布拜覺善等率將士更番戍錦州。三月。命護軍統領阿爾津哈寧噶等率將士征黑龍江虎爾哈。遣固山額真葉臣恩格圖率將士更番戍錦州。豫郡王言。兵者古不得已而用之。若恃強取勝。非義妄動。天必不佑。臣竊思今日。似宜暫停師旅。至於國中興作。俟規模既定。然後舉行。總以農務為急。則庶民衣食豐足。舉國慶豫。前鋒統領努山等往明寧遠及中後所捉生歸獲男


婦八十一。牲畜數十。五月努山率衆領席特庫等探我大軍出邊消息。至界嶺口。斬明守備一。兵三百。獲人口三十四。馬牛驢二百餘。擒千總一把。總三。六月阿巴泰等凱旋。大軍直抵兗州府。誅明魯王及樂陵陽信東原安邱滋陽諸王。並管理府事宗室等官數十人。計攻克三府十八州六十七縣。歸順者六城。敗敵共三十九處。獲黃金一萬二千二百五十兩。白金二百二十萬五千二百七十兩有奇。珍珠四千四百四十兩。緞五萬二千二百三十疋。衣萬有三千八百四十領。貂狐虎豹皮五百有奇。角面千一百六十

十副。俘人民三十六萬九千名。馬駝騾驢牛羊三十萬一千有奇。七月阿爾津等凱旋。凡攻克波和里諾爾噶爾都黑山屯。招降山噶爾達蘇大噶爾達蘇綽庫禪能吉爾四屯。獲男婦二千八百餘名。口牲畜四百餘。貂皮千有六。他皮六百六十餘。戊午。

諭諸大臣曰。凡力戰行閒。勤敏素著者。令其部下人自行採參。如有怠於從事。素無勤勞。不准採參。心懷嫉妬者。必治以法。改理藩院衙門爲內三院。另建理藩院。近禮部。八月初九日。

上厭代年五十二。廟號太宗。立天興國。弘德彰武。寬溫仁

聖睿孝敬敏昭定隆道顯功文皇帝葬昭陵  
隆道顯功四字  
康熙元年加昭定二字乾隆元年加  
昭定二字乾隆元年加



世祖大政紀畧第四

任邱金象豫介公輯錄

世祖章皇帝

太宗文皇帝第九子也。母

昭聖慈壽恭簡安懿章慶敦惠溫莊康和太皇太后。以崇

德戊寅正月十三日甲午戌時生。

上於盛京。一姓十比誕之前。

太皇太后有紅光繞身。女侍驚以爲火。近救不見。如是者

屢。又誕之先。如夢神人抱子授之。曰：此統一天下之

主也。受置膝上。其人忽不見。既寤。以語

太宗次日誕生。頂中髮一縷。聳然高起。與別髮迥異。是日紅光照耀宮闈。香氣瀰漫。生而神聖。志量非常。稍長。聰明英睿。六歲。即嗜書史。至

太宗文皇帝升遐。禮親王代善等奉

上嗣位。以鄭親王濟爾哈朗睿親王多爾袞輔政。

順治元年正月。增設刑部漢軍理事官三員。工部漢

軍理事官每旗各一員。二月。增設內三院學士各

一員。四月。

命睿親王師帥入關。五月。睿親王定燕京。九月。庚寅遣

使迎

駕。甲午。

上入山海關。壬子。恭奉

太祖武皇帝

孝慈武皇后

大行皇帝神主奉安

太廟。十月。乙卯朔。

上定鼎燕京。戶科給事中郝傑奏。自古刑餘宦寺。特供

洒掃耳。從不敢與朝臣齒。明末寵任廠衛。遂貽杜劬

閻思印。邊永清等。開門迎賊之禍。我國家痛絕中官。

廠衛錢糧。悉歸有司。遠近無不歌頌。乃者頒詔大典。

賜宴廷臣。突有內監數輩先行拜舞。辱朝廷而羞當世。乞勅下禮部。朝賀內監不許入班行禮。尤有請者。先朝原有牙牌舊制。應仍照品級懸帶。至雜流胥官。不得濫越詞林科道侍從之前。庶觀瞻肅而體統明得。

旨。內監原未贊禮。何得混入朝班。牙牌事宜。着議奏。十一月。用祭酒李若琳言。滿漢官員子弟。有願讀清漢書者。俱送入國子監。仍設滿洲司業一員。助教二員。教習清書。少詹事兼翰林院侍讀學士。掌院事。胡世安。少詹事兼管國子監祭酒事。李若琳。以詹事府

暫裁。請辭詹事銜。從之。十二月。御史李發元請申飭中外各臣。有以赦前事。挾仇復告者。坐違旨罪。從之。有詐稱崇禎帝太子者。下法司問狀。伏誅。

順治二年正月。河道總督楊方興言。山東地土荒蕪。有一戶止存一二人。十畝田存止一二畝者。倘不計口核實。一概征税。各為免三分之一。實一二畝地而納五六畝之稅。荒多丁少。以荒地累熟地。逃丁累現丁。是有蠲之名。無蠲之實。祈將現在熟地。可免一半。其拋荒之地。不論有主無主。悉行蠲免。俾民受實惠。而後民志固。民生遂矣。得。

旨。各直省無主荒地。該地方官開具實數報部。以便裁酌。其熟地錢糧。照蠲例如數開征。吏科給事中朱徽言。去歲五六月間。人心甫定。引避者多。寮署一空。今西寇就擒。正當恢張天統。延登俊乂。乃邇來京堂等缺。強半裁省。人材不無壅積之虞。臣愚謂已裁者合行速補。毋使滯滯。方來者作何擢用。並應酌量衙門大小。職務繁簡。量行增設。俾人與官稱。以疏仕進之路。若以官冗費多。輒議裁併。不知天子坐擁四海之供。豈惜區區升斗之俸乎。况年力老壯。自有乘除考績程功。復分殿最。若黜陟惟明。進退以禮。將來正患

才少。寧慮官多。又普天率土。義均臣民。凡督撫有缺。宜新舊參用。以公委任。至若錢糧軍馬。皆大權所關。太分則勢渙而難核。太合則勢重而易端。故明卿寺衙門。類若重複者。非不知裁之為便也。蓋於設官分職之中。寓防微杜漸之意耳。夫開創之初。君臣同心。何所不宜。至為子孫萬世慮。不得不委曲詳盡。計其利而更計其害也。得

旨。裁省京堂。意為冗員無實。非因惜費。朱徽此奏。似屬可行。着將各卿寺衙門。因革事宜。直據所見。簡明再奏。其詹事太僕尚書等官。已經暫裁。應否仍設。着吏部

會同九卿科道詳議妥確具奏。祭酒李若琳請更孔子神牌爲大成至聖先師報可。二月御史傅景星奏民房應給旗下者當寬以限期俟其搬移始令旗下管業至於勸懲乃馭世大柄毋許姦宄告訐致開誣謗之端用刑係民命攸關宜復秋審之條以圖尚德之治若夫官方宜清而雜流未盡澄汰門市有稅而諸物日見騰踊一切制度尚宜斟酌盡善下所司速議給事中向玉軒言民間墳墓有在滿洲園占地內者請許其子孫歲時祭掃從之。巡視南城御史趙開心言近奉勅旨凡民間出痘者即令驅逐城外

四十里所以防傳染也奈所司奉行不善有身方發熱及生疥癬等瘡概行驅逐者負苦小民移出城外無居無食遂將弱子稚女拋棄道旁殊非仰體朝廷愛養生息之意請嗣後凡出痘之家必俟痘疹已見方令出城有男拋女棄者定將該管官嚴加責治其城外四十里東西南北各定一村令彼聚處庶不致有露宿流離之苦得

旨允行。三月御史趙開心奏故明兩掖門外有東西兩廊各官按品級坐立今爲逆賊焚毀每遇朝參各官坐立無所請令工部就六科廊基址鱗次搭造庶朝

常肅而體統嚴下所司議大學士剛林奏盛京原定六部爲一品內三院爲二品今六部係二品銀印通政司詹事府係三品翰林院係五品俱銅印奏請酌定得

旨內三院照盛京爲二品衙門四月諭民間喪葬毋出正陽門著爲例五月令各衙門奏事俱繕本章不許復用木籤從御史高去奢請也庚戌宣平定江南捷音六月順天巡按傅景星言地被圈占之民俱兌撥贖薄屯地若仍照膏腴民地徵輸則苦累倍增應照屯地原額起徵爲便下部知之

禮部侍郎孫之獬言故明宦官杜勛喋君惑衆傾明社稷法無可宥請勅刑部速處得

旨杜勛事在赦前該部知道除割脚筋之刑從給事中李士焜請也

諭禮部向來雜頭之制姑聽自便者欲俟天下之大定此事朕籌之熟若不歸一不幾爲異國之人乎自今布告之後京城內外直隸各省限旬日盡行雜完若規避惜髮巧詞爭辨決不輕貸該地方官若有爲此事瀆進表章欲將朕已定地方仍存明制不遵本朝制度者殺無赦

順治三年八月原任陝西河西道孔聞諛言臣家宗子衍聖公已遵令薙髮但念

先聖為典禮之宗章甫縫掖自漢暨明三千年有所未改

今一旦變更恐於

皇上崇儒重道之典有所未備應否蓄髮以復本等衣冠

統惟

聖裁報曰薙髮嚴旨違者無赦孔聞諛姑念聖裔免死着

草職永不叙用

十二月禮部言內監仍故明例每

遇朝參行禮在文武諸臣之前於體未合嗣後概不

許朝參亦不必排班從之江西巡撫李翔鳳進正

一真人張應景符四十幅得

旨致治之道唯在敬天勤民安所事此朝廷一用天下必

致效尤其置之

順治四年四月以閩廣平定遣官祭告

福陵

昭陵六月大理寺卿王永吉以陞工部右侍郎具疏控

辭得

旨有心願居官而徒尚虛名或一次兩次控辭者皆是踵

明故套以後再有似此即允所辭永不錄用久已有

旨王永吉何得不遵着草職永不錄用遣戶部理

事官繆尚義赴廣州廉州等處珠池採珠。禁民間行使制錢。不許以一當二。違者治罪。以廣東初定。

特頒

恩詔。丁卯

幸邊外行獵。乙未

上還宮。十月兩廣總督佟養甲言。採珠不便於民。得

旨。差官着即撤回。寧夏巡撫胡全才設法捕蝗。境內田

禾獲全。因以捕蝗法上聞。並請傳示各省。永絕蝗災。

章下所司。

諭入朝侍衛各官子弟內通文理者。吏部酌用。尋部議。監

生以通判用。廩增附以州同用。未入庠者以州判用。

宋榮時十五歲。以監生擬通判用。十二月改世職。

昂邦拜章京為精奇尼哈番。梅勒章京為阿思哈哈

番。甲喇章京為阿達哈哈番。牛錄章京為拜他喇布

勒哈番。半個前程為拖沙喇哈番。其在部院官員及

直省駐防章京官銜仍照舊。孔有德等奏湖南捷

音。

順治五年正月。禁官員房柱用朱色。及民間用金貼

梁。定優免則例。在京官一品免糧三十石。人三十

丁。二品糧二十四石。人二十四丁。至九品各有差。外

官減半。教官舉貢監生員各免糧二石。人二丁。致仕。免十分之七。閒住免半。犯贓者不在免例。四月。遇必隆有罪。免死籍沒。九月。設六部漢尚書。都察院。漢都御史各一員。十一月。奉

太祖配天。四祖入廟。遣官祭告。

天地。太廟。

社稷。文曰。天子臣御名。敢昭告於皇天上帝。曰。升中大典。禮重配天。世德咸休。情殷尊祖。恭

於順治五年十一月朔八日冬至祀

天於南郊奉

太祖武皇帝配。謹溯推原本。追崇

太祖以上四世。高祖澤王為肇祖原皇帝。高祖妣為原皇后。曾祖慶王為興祖直皇帝。曾祖妣為直皇后。祖昌王為景祖翼皇帝。祖妣為翼皇后。考福王為顯祖宣皇帝。妣為宣皇后。聿成大典。敷布多方。備此明禮。預申虔告。餘文同。

覃恩大赦。十二月。

諭內三院前戶部奏。在外大小衙門額設公費等項。冗濫

累民酌議裁減已經允行今思裁減未免用度不足  
反致害民着另議速奏

順治六年正月以姜瓖叛造言惑眾

諭兵部曰朕欲天下太平日夕圖維罔敢怠忽想往年流  
賊作亂官民人等受其屠戮禍患已極入關勦賊出  
斯民於水火孰意近年以來多有不軌之徒捏造流  
言煽惑愚眾以致無知之民輕信惶惑逃散作亂者  
往往有之若愚民疑心未釋天下何時太平朕聞不  
嗜殺人者能一天下書云眾非元后何戴后非眾罔  
與守邦君父也民子也父殘其子情理之所必無况

誅戮所以懲有罪豈有無故殺人之理自元年以來  
流民謠言無時不有今將六年矣無故而屠戮者為  
誰民肯從此回想疑心必然冰釋朕又思滿漢言語  
雖異心性自同世間決無安家樂業之人自好為賊  
而樂就死地者必有弗堪之情在意者督撫鎮按不  
得其人與有司朘削魚肉民難自存與蠲免賦稅有  
名無實與茲特舉數事料不止於此令嚴飭各官確  
議除弊興利長策朕將次第酌行爾部即通行告示  
曉諭天下之民 三月

諭兵部近聞民無兵器賊反得利思礮與甲冑非民間宜

有仍照舊嚴禁。其三眼鎗、鳥鎗、弓箭鎗、刀馬匹悉聽民間留存。其先交官者給還。又

諭兵部。向來申嚴隱匿逃人之法。斬其鄰右。及十家長。百家長。不行舉首。地方官不能覺察者。俱連坐。今思前令未免過重。今後隱匿者免死流徙。其左右鄰責三十板。家長責二十板。逃人自歸其主。或隱匿者自行送出一概免罪。有親戚願贖回者聽。五月

諭兵部。滿漢俱屬我民。原無二視之理。但爾來用兵。亦出於不得已。豈可苦累良民。今後兵行。不論多少。其糧料草束悉照部定數目支用。不得多取其錫席、剃刀

馬槽等物。喂完馬日。各固山章京親驗發還。有搶漢人一物者。即行處斬。家長及該管官一併治罪。有帶弓箭軍器。夥眾劫奪者。不分首從皆斬。爾部通行曉諭。戶部言。師旅頻興。歲入不供。議開監生吏員承差等。援納給內外僧道度牒。准徒杖等折贖。裁天津鳳陽安徽巡撫。巡江御史天津餉道等官。以為生節之計。從之。七月。戶部議覆江寧巡撫土國寶疏言。華亭縣義米一項。始於義士顧正心。憫里人差役之苦。宗族養贍之難。捐資置田四萬八百餘畝。每歲租米四萬三千餘石。幫貼賠累。優卹貧窮。原與有司無

涉應仍歸正心子孫收種以成義舉從之十月禁  
伐昌平故明陵寢樹木壬辰申刻京師地震二次  
起東北迤西南

順治七年正月織造龍衣機上有異光三日不止欽  
天監占以為統一天下政治文明之瑞三月己未  
未刻日赤色如血九月海寇鄭成功犯潮州總兵  
王邦俊破之十二月戊子攝政睿親王薨

順治八年正月庚申

上親政御太和殿大赦天下十九日丁卯升祔  
孝端正敬仁懿莊敏輔天協聖文皇后於

太廟二月初十日上

昭聖慈壽皇太后尊號覃恩天下丙午

諭戶部朕聞各處圈占民地以備畋獵夫古人講武必於

農隙今又奪其耕耨之區斷其衣食之路朕心不忍

爾部即將前圈土地盡數退還令乘時耕種閏二

月御史匡蘭兆言朝祭宜復用衮冕得

旨一代自有制度朝廷惟在敬天愛民何必在用衮冕

命固山額真阿喇善等率兵勦山東賊寇

諭禮部國家生財自有大道僧道納銀給牒瑣屑非體以

後永免納銀有請給度牒者州縣確查報司申部給

發。

諭兵部前者青州故明王田王之子聚眾祭旗又陝西叛將王元馬德戕殺撫臣議扶立慶王之孫因而故明各王多被誅戮朕甚憫焉今朕親理萬幾務祈百姓得所豈獨故明子姓不在涵育之中以後各直省有故明親王郡王流落地方者該督撫將伊家起送來京分別畜養其鎮國將軍以下各照原籍編氓一體輸稅當差爾明宗室亦宜悔禍革心仰體朝廷愛惜生全之意三月吏部言各旗子弟率多英才可備循良之選但學校未興制科未行耳

先帝在盛京愛養人才開科已有成例今日正當舉行臣等酌議滿洲蒙古漢軍各旗子弟有通文義提學御史考試取入順天府學鄉試作文一篇會試作文二篇優者准其中式照甲第除授官職則人知向學進取有階矣報可 乙酉

諭朕覽巡鹽御史崔允宏章奏因思各處鹽課常報餘銀若干若非多取諸商則必侵尅於民大屬弊政着通行各鹽運等官止許徵解額課五月外轉御史張煊訐吏部尚書陳名夏結黨行私銓選不公部議諸款多屬赦前且不實煊向官御史不言今言於外轉

之後。心懷妬忌。污蛟大臣。擬死。六月。阿喇善等攻克山東盈河山寨洞等。斬賊首劉遜。張齊二十一人。餘賊斬殺無算。八月上。

昭聖慈壽恭簡皇太后徽號。恩詔三十三條。九月。浙閩總督陳錦奏。官兵破偽魯王於舟山。魯王遁。十月。封

肇祖

興祖陵山曰啟運。

景祖

顯祖陵山曰積慶。

福陵山曰天柱。

昭陵山曰隆業。

順治九年三月。大學士范文程等言。會試中式第一名。舉人程可則。文理荒謬。首篇尤悖戾。經法命草中式。并治考官罪。予故御史張煊祭一壇。並全葬。

草內翰林秘書檢討唐夢賚職。以張煊優恤。已經刊布中外。復藐旨瀆奏。陰護洪承疇。陳名夏故也。六

月。大學士范文程疏題翰詹陞補畫一之法。修撰編檢按科分先後次序陞轉。凡奉差終養。丁憂治喪。依限到京者。仍照科分次序。違限期計所違月日。序於

後給假告病者。概序於後。降補別衙門復回者。照現補官品為序。三品官服闋病痊者。由撫按具奏。臣衙門題補。四品以下官。親身赴京。亦臣衙門題補。着永為例。欽天監監正湯若望。進混天星。越地平日晷等儀器。浙閩總督陳錦。領兵征鄭成功。至漳州灌口。為家丁刺死。

諭內三院內外題本。奏本。先已飭禮部發式通示。今內外本章。尚有長短寬窄。違式參差者。即傳諭禮部。嚴加申飭。務使畫一。

命敬謹親王尼堪為定遠大將軍。統兵征湖廣貴州。以張

獻忠餘孽孫可望等侵擾也。八月

諭尼堪等毋往貴州。從湖南進取寶慶。入廣西。搜勦賊孽。

九月

命前鋒統領阿爾津為定南將軍。同都統馬喇希往征廣東未定州縣。十月。調阿爾津為安西將軍。同馬喇希鎮守漢中。以賊犯四川也。十一月。

命都統卓羅為靖南將軍。同都統藍拜統兵征廣東未定州縣。大學士范文程入見。

上語曰。朕夢列旗吹角。對天稽首。復見敵兵射來三四矢。俱手接之。未及身。又夢天遣五人。言默助朕躬。其狀

悉如素識。范文程曰：近遣敬謹親王討賊，想渠魁就擒耳。且對天稽首，天心默佑，兆俱大吉。

諭禮部：明末寇陷都城，君死社稷，當時文武諸臣中，豈無殉君死難者？幽忠難泯，大節可風。爾部宜會同各部院衙門，詳訪確查，死節職名，并實蹟具奏，勿遺勿濫。辰常總兵徐永興，與黔賊白文選戰敗死之。敬謹親王尼堪追賊歿於陣，追封莊親王。十二月，江西巡撫蔡士英奏：官兵復安福、永新二縣。津定南將軍同馬喇希統兵征湖廣逆賊。

諭刑部：巨盜李應試、潘文學盤踞都下，多歷年所，官兵莫

敢撻鋒。今因別事發覺，審得李應試別名黃騰，李三元係明朝重犯，漏網出柙，崇一豢養強盜，結交官司，役使衙蠹，遠近盜賊競輸重資，南城鋪行盡納常例，明作威福，暗操生殺。他若崇文門一應稅務，自立規則，擅抽課錢，惡姪殺人，死者家不敢申訴，諸如此類，罪不勝數。潘文學自充馬販，潛通馬線，挑取臆健馬，騾接濟遠近盜賊，每次多或一二百匹頭，少或數十匹頭。羣盜得騎如虎生翼，且交通官吏，抱攬不公不法之事，任意興滅，甚至文武官員多與投刺會飲，道路側目，莫敢誰何。以上二犯罪大惡極，舉官民人等

皆言罪當萬死。故將李應試、潘文學、併伊子姪俱奸行梟斬。又兵科都給事中李運長身爲言官，反與應試姪李天鳳聯宗，認爲兄弟。將天鳳子李秦，冒作己子，充送官監。及事覺，仍藏匿天鳳子，希圖倖免。姑從寬典，止誅運長及李秦。以後各衙門勿得徇縱，以取罪戾。再有與奸盜往來者，事發定行連坐。

順治十年正月庚午。

諭內三院朕自親政以來，各衙門奏事，但有滿臣未見漢臣，朕思大小臣工皆朕腹心手足，凡進奏本章，內院六部、都察院、通政、大理等衙門、滿漢侍郎、卿以上參

同來奏，其奏內事情或未當者，可以顧問商酌。爾等傳諭諸臣務體朕懷，各竭忠貞，盡除推諉，以昭一心一德之盛。辛未。

諭內三院近來言官條奏多係細務，未見有規切朕躬者。朕一日萬幾，豈無未合天意未順人心之事。良由諸臣畏憚忌諱，不敢進諫耳。朕雖不德於古帝王，納言容直，每懷忻慕。朕躬如有過失，諸臣須直諫無隱，即有未合不妨再三開陳，庶得省改。力行正直，希臻治平。進言切當者必加旌獎，言之過戇者亦不譴責。即傳諭大小諸臣，俾咸悉朕意。工科愛惜喇庫哈番

都給事中姚文然言。近兵部大臣皆因得罪。鎖禁法門。天寒地凍。日久成疾。且通衢大路。功貴大臣帶鎖。褻辱非所以廣

皇仁而存國體得

旨。以後滿漢諸臣有犯貪惡重大事情。應發刑部者。在部守候。不必鎖拿送問。審有實據。引律擬罪。奏請處分。給事中王廷諫言。盜賊恃富主爲巢窟。而敢爲富主者。非地方豪惡。即投充莊頭也。力足以轉辦。勢足以庇護。請嗣後追問富家。如係莊頭及投充人等。即行擒拿解部。從之。以貝勒屯齊爲定遠大將軍。統

兵征勦湖南。

命護軍統領阿爾津韓岱宜爾德等率師往會湖南大兵討賊。

上幸內院。謂大學士等曰。頃黃臚李三。一細民耳。住房外復多造房屋。每間修飾整齊。其故何也。洪承疇對曰。其房屋分照六部。或某部人至。或自外來。有事某部者。即入某部房內。

上曰。以一細民而越分妄行如是。故天使之敗耳。

上又曰。李三大爲民害。諸臣畏不敢言。鞠審日。甯完我陳之。遴默無一言。鄭親王詰之。之遴始曰。李三巨惡。誅

之則已。倘不行正法之遴，必被陷害。此豈非重身家性命乎？陳名夏曰：李三雖惡，一御史足以治之。臣等叨為大臣，發奸摘伏，非臣所司。且李三廣通線索，言出禍隨，顧惜身家，亦人之恆情也。二月，浙閩總督劉清泰言：臣遵密諭細察廈門一窟，素稱鄭逆老巢。撫臣張學聖道臣黃澍鎮臣馬得功，垂涎金穴，乘成功他出，潛師往襲，悉攫其家資，以致鄭逆索償修怨。海郡淪陷。

命褫三人及按臣王應元職。解京嚴訊。

上幸內院閱通鑑，問漢高文光武及唐太宗宋太祖明太

祖孰優。陳名夏曰：唐太宗似過之。

上曰：不然。明太祖立法周詳，可垂永久。歷代之君皆不及也。二月。

諭各部有兩滿尚書者，裁其一。

上幸內院，覽少詹事李呈祥疏。部院衙門應裁滿官，尚任漢人。顧大學士洪承疇曰：李呈祥此疏大不合理。朕不分滿漢一體眷遇，爾漢官奈何反生異意？若從賢而言，首崇滿洲理所宜也。三月。

賜太常寺卿管欽天監事湯若望號通懸教師。

上幸南臺持弓。顧諸臣曰：我朝定天下，以此弓。朕於每年

出獵二三次。練習騎射。今天下之大。幾務繁冗。一應章奏。朕親為批斷。身雖不暇。心常念茲。不忘。諸臣曰。皇上居安思危。真天下之福。臣等願皇上始終常存此念耳。

上曰。卿等恐朕志不堅。有違此言。朕自堅厥志。卿等亦當堅心輔朕。使天下乂安。

上諭各衙門。本章內漢字。宜先書官員銜名。次書謹題字樣。次書所條陳為某事。四月。

上御太和門。親試兼翰林銜吏部侍郎成克學。禮部侍郎張端及內三院學士劉正宗。編檢以上官六十二員。

君子懷德。論一篇。請立常平疏一道。

諭吏部。國家官人。內外互用。方見真才。朕親試詞臣。量為分別。有堪授外任者。檢討以上官。照詞臣外轉例。優與司道員缺。衰病者。聽其請告。朕仍優遣之。

命察核六部。都察院。卿寺各衙門官員。偏沅巡撫。奏拿獲故明福清王嫡子朱由杞。得旨。即在彼正法。

欽天監奏。連日夜見火星逆行。房宿初度。在黃道南。宜防火災。以早。下詔求直言。省刑獄。

五月。停止各省巡按。其十四道監察御史。止留二十員。餘俱裁。

命駐防江寧府昂邦章京哈哈木爲靖南將軍。往征廣東逆寇。

命大學士洪承疇爲太保兼都察院右副都御史兼太子太師內國史翰林院大學士經畧湖廣廣東廣西雲南貴州等處地方總督軍務兼理糧餉聽擇扼要處所駐紮撫提鎮以下悉聽節制。六月設兩廣總督一員以李率泰爲之。戶工兵三部遵

諭改折各直糧省錢糧歸於一條鞭法總收分解永爲例從之。定遠大將軍多羅貝勒屯齊奏二月二十八日大軍抵永州。僞安西王李定國度龍虎關遁去。三

月初十日我軍向寶慶進發。十五日宿岔路口。僞秦王孫可望自靖州來與馮雙禮白文選馬進忠諸賊合。我軍分擊敗之。斬獲無算。辛亥

賜故明殉難大學士范景文戶部尚書倪元璐左都御史李邦華副都御史施邦耀左庶子周鳳翔中允劉理順馬世奇檢討汪偉太常寺少卿吳麟徵都給事中吳甘來御史王章陳良謨主事成德金鉉駙馬都尉鞏永固及太監王承恩等十六人謚并給田勅有司致祭。設內三院漢大學士各三員。內院題請以翰院五品以下官提督直隸江南江北學政。其習滿

書者不差報可。閏六月

諭內院乃者霖雨而月都城內外積水成渠房舍傾壞新桂米珠甚者傾壓致死深可軫念皆朕不德所致朕當一意修省祇懼天戒大小臣工各盡職業共圖消彌該部確察被災戶口據實奏聞戶科給事中周曾發言頃者建造乾清宮數月以來雷燬先農壇門又霖雨連綿沒田舍壞廬舍竊考五行之數土不能制水則水濫水濫則土陷而木浮皇上有事於土木而天心示儆非一端伏祈暫緩興作得旨這本說的有理七月都察院承政屠賴言請暫停乾

清宮工及不必崇立司禮監衙門名色得

旨所奏是但衙門雖設事權不在寺人乾清宮物料已辦仍遵旨行鄭親王傳集各部院堂官與諸王貝勒會議以雨潦異常請暫停殿工以錢糧賑濟軍民從之戶部等會議以後鑄錢務照定式每文重一錢五分五厘背面鑄一厘字精工鑄造每千文作銀一兩有不遵治以罪允行聞喀爾喀部落相約率兵向內

命多羅安郡王岳樂為宣威大將軍統兵防戍歸化城十月庚午昏刻水木二星合於女宿度十一月庚

子夜金星與木星在女宿。十二月以都統陳泰爲定南靖寇大將軍。同都統藍拜濟什哈蘇章京蘇克薩哈等統兵駐鎮湖南。以孫可望等蹂躪其地也。順治十一年正月海寇犯崇明靖江。興泰官兵擊走之。海寇犯金山。三月大學士甯完我劾大學士陳名夏結黨懷奸。情事叵測。其畧曰。陳名夏痛恨我朝。薙髮鄙棄我國衣冠。曾謂臣曰。要天下太平。只須留頭髮。復衣冠。臣思我國能一天下。以衣服便於騎射之故也。今名夏欲寬衣博帶。是計弱我國也。一名夏父子居鄉暴惡。士民仇怨。避居江寧。故明魏國公

花園中。此園例應入官。價值十萬金。江寧各官公捐三千金。代爲納贖。其子掖臣。包占故明吏部郎吳昌時女。橫行江寧城中。坐大轎。列棍扇。說人情。納賄賂。一趙延先。不當陞而陞。名夏反欲處言官而罪同列。甄別翰林本出。

聖裁。而名夏直任去留。由己攬權欺詐。一名夏姻親史儒。網任浙江道時。誣朱秀才爲故明宗支。抄其家資巨萬。逼其親人性命。浙撫蕭起元劾其贓私奉

旨。草職提問。名夏利其田宅。許其開贓復官。此案八年未結。一探花張天植告假回南。名夏回南助銀百兩。天

植於伊妻子處。還銀五百兩。名夏不知。以為騙也。故言天植得罪於我。所以外轉。及還銀信到。見天植。又曰。還汝翰林可也。一吏科魏象樞。係名夏姻親。結為一黨。象樞誤叅司官錢。受祺擅委中軍。後自檢舉。部覆受祺無罪。免議。象樞降級調用。名夏輒票部本。罰俸六個月。一臣等公立一簿。於分票事件下。各親書姓氏。以防推委。一日。名夏將公簿注塗抹一百一十四字。不知作弊又在何件。一

上命內大臣傳出科道結黨諭旨。臣書稿底。名夏抹去擠異排孤一語。改明季埋沒局中。因而受禍。今方馳觀域外。豈容成姦四語。名夏糾黨奸宄情形。恐皇上看破。故欲以隻手障天地云云。吏部等衙門會鞫俱實。着處絞。戊申。

聖祖仁皇帝生

命詹事翰林等官。陞補俱歸吏部。從大學士范文程等請也。四月。御史年雲龍條奏五事。一漕白折乾之弊。當除。一劣生包攬之害宜革。一生員充當里長宜禁。一八旗分防不宜更調。一官設買賣人宜止。章下所司。鞠訊大學士陳名夏子掖臣倚恃父勢。恣行不法。諸事俱實。奉

旨免死決杖遣戍盛京。六月以都統朱馬喇爲靖南將軍。勦廣東賊寇。十二月以鄭親王世子濟度爲定遠大將軍。征勦鄭成功。遣都統明安達禮統兵征羅刹於黑龍江。

順治十二年正月。廣西土賊馮總兵廖篤增於玉版泉伏誅。吏部遵

旨。開列科道等從前言事不當。及糾叅失實。革降者向玉軒等四十人。原案情由奏請。復吳達等七人官。左都御史屠賴等言。愛民莫先除害。近聞八旗投充之人。自帶本身田產外。又任意私添。或指鄰近之地。據

爲己有。或連他人之業。隱避差徭。被占之民。既難控訴。國課亦爲虧減。上下交困。莫此爲甚。宜勅戶部。將投充之人。原投部檔。查核給地外。其多占地畝。即退還原主。庶民累稍甦。而租賦亦增矣。又年來因逃人衆多。立法不得不嚴。但逃人三次始絞。而窩主一次即斬。又將鄰右流徙。似非法之平也。竊謂逃人如有窩主者。逃人處死。即將窩主家產人口。斷給逃人之主。兩鄰甲長責懲。該管官員議處。無窩主者。仍鞭一百。給主。其自投歸主。及窩主出首者。俱照例免議。庶逃人少。而無辜之株連者亦少。再如建言降革諸科

道已蒙

特旨令吏部開列事由奏請矣。查流徙郎中郭一鵬詞臣李呈祥侍郎魏瑄等其罪雖分輕重實皆由於進言似應一體開列庶不虛宥過惜才盛典得

旨。着王大臣等會議。給事中李裊言。逃人一事立法過重未免株連太多使海內無貧富無良賤無官民皆惴惴焉莫保其身家可為痛心者一也。法立而犯者眾勢必有以逃人為奇貨縱令紮詐則富家立破禍起奴婢則名分蕩然可為痛心者二也。犯法不貸牽引不原即大逆不道無以過此且破一家即耗朝廷

一家之供賦殺一人即傷朝廷一家之培養古人十年生之十年教之乃以逃人一事戕之乎可為痛心者三也。人情安居何苦相率而逃至三萬之多不以恩義維繫其心而但以法窮其所往可為痛心者四也。即自捕獲以後起解質審道路騷擾冤陷實繁支蔓不已生齒凋敝可為痛心者五也。且饑民流離地方官以挨查逃人之故閉關不納嗟此窮黎朝廷日捐租煮賑衣而食之奈何以酷法苛令迫而斃之乎可為痛心者六也。婦女躑躅於原野老稚僵仆於溝渠強有力者勢必挺而走險今寇孽未靖何以復驅

赤子作賊乎。可為痛心者七也。今會議未幾。流徙尚陽堡。二月。停止滿兵。攜帶眷口。駐防武昌。三月。侍郎趙開心。以饑民流離可憫。請暫寬逃人之禁。得旨。趙開心。沽譽而恩。着降五級調用。四月。主事達都。劾御史張嘉。請停滿洲關差。以滿官奉差。秉公守法。必不徇私。故張嘉嫉忌。奉

旨。降一級調行用。五月。

命都統石廷柱為鎮海將軍。駐防京口。六月。吏部郎中宋學洙。以典試河南。宿娼受餽。革職。寧南靖寇大將軍陳泰。疏報偽將軍盧明臣。偽興國侯馮雙禮。攻

岳州武昌。偽安南王劉文秀。攻常德。護軍統領蘇克薩哈。伏兵邀擊之。賊大敗。明臣赴水死。雙禮被重創。遁。文秀走貴州。嚴禁沿海省分。無許片帆入海。違者立置重典。七月。給事中李開生言。家人自通州來云。有使者封船。奉

旨往揚州。買女子。云云。部議。李開生不知乾清宮需用器。四。差人採辦。妄聽謠言。瀆奏沽名。流徙尚陽堡。寧南靖寇大將軍陳泰。卒於軍。八月。以都統阿爾津為寧南靖寇大將軍。同都統卓羅。統大軍。駐防荊州。都統祖澤潤。分防長沙。以孫可望。騷擾湖南也。九

月朱馬喇等班師還京。十月兵科右給事中張文光疏請大小官員病故俱照生前品級填給勘合兵部議准行。十二月舟山副將祀成功叛從賊以都統宜爾德為寧海大將軍征之。順治十三年浙閩總督屯泰奏自舟山失守海寇直犯台州副將馬信叛變獻城。二月令兩廣總督移駐梧州從洪承疇請也。

諭諸漢臣曰人心澆薄受業師畧不致禮惟以考試官為師以理論自幼教諭宜始終敬謹若考官朕所遣也豈受業比哉自後明示禁革。四月阿爾津奏官兵

大破姚黃賊渠於彝陵之蛇倒退山招撫俘獲無數。浙撫秦世禎以造戰船伐宋陵樹木得

旨前伐陵原有明禁何得不候旨徑行着議處伐過樹木

照在前裁補。七月世子濟度奏鄭成功下總兵黃

梧副將蘇明鄭純等謀斬偽總兵華棟並殲其部兵

獻海澄縣投誠封梧海澄公。九月寧海大將軍宜

爾德奏海逆偽總兵王長樹毛光祐沈爾序等犯大

蘭山遣兵擊斬之。臣親趨定海縣敗賊於衡水洋口

斬賊渠陳元御阮思遂取舟山。十月阿爾津奏克

復辰州土司彭宏澍籍所屬三州六司三百八十洞

戶口以降。

順治十四年正月宜爾德征舟山凱旋。定遠大將軍世子濟度奏分遣將士敗賊於泉州府高齊陸路侯官縣泉州大營烏龍江惠安縣衛套閩安鎮諸處。二月給事中張文光言魯哀公誅孔子曰尼父。漢平帝元始元年加謚曰宣尼父。後魏太和十六年改謚文聖尼父。唐太宗貞觀十一年尊爲宣聖尼父。明皇開元二十一年始進謚文宣王。元武宗至大元年加謚大成至聖文宣王。明嘉靖九年改爲至聖先師。我朝順治二年祭酒李若琳不加考訂請易爲大成。

至聖文宣先謚師。不過仍元武宗舊謚而不稱王耳。臣謂大成文宣四字豈足以盡孔子請於木主仍改爲至聖先師孔子神位從之。三月世子濟度班師。

左都御史魏裔介以災變條奏降斥之言官宜錄不急之工程宜停。催科不及之守令宜留。刑部遵旨開豁之冊籍宜核。孤貧之口糧宜增。微官之俸祿宜厚。用兵之機會宜待時。旗下之駐防宜減額。又請養

聖德以寬大。飭羣臣以節省云云。下所司。四月以都統

宗室羅託爲寧南靖寇大將軍。統兵駐防荊州。分遣都統伯佟六十駐防長沙。以孫可望等煽亂未已也。

八月鄭成功犯台州府巡道蔡瓊枝副將李必及府縣官俱降賊九月都統屠賴奏克復福建閩安

縣十月

命都統卓布泰副都統莽吉圖富喀等統兵駐防江寧

地震

命諸臣修省同考官李振業張我樸舉人田耜鄔作霖

科臣陸貽告等俱立斬家產籍沒父母兄弟妻子流

徙尚陽堡給事中任克溥劾其賄買中式訊實也

十一月偽秦王孫可望與李定國相攻不勝率妻子

及標下總兵都督等來降封義王死後襲替二次至孫徵灝始降封慕義公

十二月以經畧輔臣洪承疇病愈

命仍留原任統將士由湖廣前進相機平定貴州以都統

卓布泰為征南將軍同提督線國安富喀莽吉圖等

由廣西進寧南靖寇大將軍羅託同都統濟席哈等

由湖南進討貴州吳桂川進

順治十五年正月朔以

皇太后聖躬康豫頒詔大赦掌欽天監印務湯若望進

相拒歷

命多羅信郡王多尼為安南靖寇大將軍同平郡王羅可

鐸貝勒尚善杜蘭都統宜爾德阿爾津巴思漢卓羅

等。統兵進取雲南。二月刑部左侍郎杜立德劾內院學士胡兆龍罔上行私。甲午中一弟兆麟。今科中一弟兆鳳。都城有一龍當道。麟鳳齊鳴之謠。又以臣弟立本等業師。朱以忠回家自縊。兆龍主使。朱持正等告訐。借端陷害。下吏部察議。杜立德參歛不實。應革職。援赦免。以賄買情弊。覆試丁酉科順天舉人米漢雯等。內蘇洪濬等八名。文理不通。革去舉人。禮部議覆御史趙祥星疏。會試大典。別弊宜嚴。第一場題目。請欽定。得旨允之。以江南新科舉人。嘖有煩言。請

旨覆試。應停會試。從御史上官鉉請也。

三月李定國黨

閩維龍曹延生等。攻陷廣西橫州。總兵馬雄尋復其城。

諭禮部。丁酉科江南中式舉人。物議沸騰。是以親加覆試。今取得吳珂鳴准同會試中式舉人一體殿試。其汪溥勛等七十四名。仍准作舉人。史繼佚等十四名。罰停會試二科。方域等十四名。文理不通。着革去舉人。四月直隸河南山東總督張懸錫至順德府迎義。王回館自劾未絕。有遺疏畧曰。待罪臣張懸錫謹奏。臣自蒞任以來。天心願作忠良。喜怒不拂民欲。是非

必告穹蒼。蒼意欲平治天下。誰知直道難行。清白招衆之忌。慙直舉國謂狂。是以滿腔愁鬱。因而儀節乖張。自知此身必死。何如引咎而亡。有負天高地厚。從此雲水蒼茫。

皇上如念臣積勞數載。並無懷隱中藏。幸赦宥乎眷屬。永拜德於泉壤。嗚呼異世猶圖犬馬。此身惜別倉皇。臣家無餘蓄。亦無良田美宅。蒞任不敢受地方官一錢。以負上恩。惜爲人所誤。亦天意也。云云。吏部等上命副都御史侍郎科道等官速往察明具奏。會議賄納結內監吳良輔事。奉

旨。陳之遴前犯之罪。應置重典。從寬以原官徙盛京。復召還旗下。乃不思改過。又行賄賂交結。深負朕恩。姑免死草職。并父母妻子。流徙盛京。家產籍沒。五月。學士折庫納等奏。訊明張懸錫自陳迎接失儀。爲學士麻勒吉詰責。一時惶悚無地。遂引佩刀自決。得

旨。張懸錫係朕特簡。即有屈抑情節。皆當陳奏。何至刎頸殊失大臣之體。念其素行清謹。姑着降三級調用。御史李森先請寬建言諸臣之罰。如言事流徙李呈祥。季開生。李裊。衛瑄。郝浴。張鳴峻等。皆與恩詔因公誥誤之例相符。奉

旨李呈祥等原非誣誤李森先援引詔款明係市恩着從重議處部議流徙尚陽堡

上免之復原官

諭兵部近聞有姦徒假冒逃人詐害百姓或借名告假還家將殷實之家指為窩主或原非逃人冒稱旗下在外嚇詐或買主冒認詭名作真或領本貿易假夥板害種種詐偽深為可恨今後凡有逃人本主報明該管官將逃人之主及逃人姓名具結報部如逃後日久方報及被獲後始稱係伊家人者不許給主直省地方有旗下不告假私出妄為及冒稱旗下作奸橫

行者該督撫嚴行訪拿並本主從重治罪海澄縣遊擊劉進忠等叛降海逆城陷廣西巡撫于時躍奏偽寶康侯賀九儀遣將曹友犯賓州官兵擊敗之羅託等報克復湖南沅靖等處進取貴州省城及平越鎮遠等府卓布泰報大兵已抵貴州所過南丹州撫寧州各土司及獨山州官民俱就撫一甲一名進士孫承恩未受職坐胞弟賜科場事應連坐流徙特宥之授修撰張懸錫言臣迎接失誤實出無心乃諸臣待臣不以禮始而倨傲不與見既而鄙薄不與言侮辱情狀誠所難堪然臣猶再三求見再三

請教冀此一念悔罪之誠或者轉達

天聽乃麻勒吉愈為責備之詞始則止告以失儀繼則漸露苛索之意云我們到南邊洪經畧遠接餽送而徹白諷臣餽送駝騾臣思賄賂黨與朝廷首禁臣寧死不敢從不從則觸諸臣之怒必謂臣有心怠慢人臣而怠慢罪不容誅臣當時計無復之惟有一死迫切急情實出於此奉

旨麻勒吉借端苛索逼迫大臣着從重議處 鄭逆犯溫

州府臨平陽瑞安 七月奉

上諭吏部本朝設內三院有滿漢大學士侍讀學士等官

等官今斟酌往制除去內三院秘書宏文國史名色大學士改為殿閣大學士仍俱正五品照舊例兼銜設立翰林院掌院學士一員正五品其餘學士亦正五品內閣滿字稱為多里吉衙門漢字稱為內閣翰林院滿字稱筆帖黑衙門其侍讀學士以下員數官銜滿名照漢官稱謂通着查例詳議具奏六部滿漢尚書俱作正二品滿字仍稱阿里哈昂邦侍郎俱作正三品滿字仍稱阿思哈尼昂邦理事官滿稱一齊蝦喇哈番漢稱郎俱正五品副理事官滿稱愛惜喇庫哈番漢稱員外郎俱從五品額者庫哈番漢稱主事

俱正六品。司務添設滿官。稱爲拜他喇布勒哈番。從九品。都察院左都御史。滿字稱哈思戶額爾機阿里。飛拜察喇昂邦。正二品。左副都御史。滿稱哈思戶額爾機阿思哈尼拜察喇昂邦。正三品。左僉都御史。滿稱哈思戶額爾機阿達飛拜察喇昂邦。正四品。監察御史。滿稱察脈拖喇哈番。正七品。經歷改爲司務。添設滿官。滿稱他庫喇布勒哈番。從九品。通政使司。通政使。滿稱阿里飛哈分布勒哈番。正三品。左通政。滿稱哈思戶額爾機哈分布勒哈番。正四品。右通政。滿稱一齊額爾機哈分布勒哈番。正四品。左叅議。滿稱哈

思戶額爾機愛惜喇庫哈番。右叅議。稱一齊額爾機愛惜喇庫哈番。俱正五品。經歷改爲司務。添設滿官。稱他庫喇布勒哈番。從九品。大理寺卿。滿稱阿里哈哈番。正三品。少卿。稱一爾希哈番。正四品。寺丞。稱惜喇脈哈番。正五品。寺正。稱一齊蝦庫。正六品。寺副。稱愛惜喇庫。從六品。評事。稱額者庫。正七品。司務。添設滿官。稱他庫喇布勒哈番。從九品。這改定官名。通行傳諭各衙門。啟心郎。原因諸王貝勒。管理部院事務。而設。今宗人府。啟心郎。仍照舊。其餘部院。啟心郎。俱着裁去。太常寺等衙門。官名品級。着一併詳議。畫一

具奏。十二日張懸錫自縊於聖安寺。鎮守寧古塔都統沙爾虎達等報擊敗羅刹兵。獲人口甲仗。革侍郎祁徹白騎都尉併所加之級。降二級仍留原任。以其沿途受督撫餽遺。復苛索挾逼。總督張懸錫也。八月以逆賊譚詣等犯重慶。

命總督李國英入川撲勦。十一月刑部審實江南鄉試

作弊一案。奉

旨。主考方猶錢開宗即正法。同考官葉楚槐等即處絞。

十二月以都統明安達禮為安南將軍。同都統俄羅塞臣賽音達禮護軍統領席伯臣車爾布等統大軍。

赴貴州與經畧洪承疇共議要地駐劄。洪承疇奏水西宣慰司安坤投誠。

順治十六年正月川東僞侯譚詣殺其兄文來降。譚宏亦遣人納款。大軍克雲南捷聞。給事中楊雍

建言。臣前使粵東。目擊粵民困苦。一濫委之害。一濫

派之害。一里役無定例之害。一用夫無限數之害。一

私埠之害。一私稅之害。一砍柴之害。一採木之害。今

川貴底定。請移一王鎮撫其地。以救粵疲困。下所司

議。三月立崇禎帝碑。大學士金之俊撰文。閏三

月左都御史魏裔介陳四事。一國子監宜隆其品秩。

久任以責成功。一直隸順永保河四府自圈地。圈房後飢寒爲盜。請勅查明無碍官地撥給。至京師內地給與官地者。即令承業無復圈爲園圃。一請嚴禁福建江南江西等處溺女惡俗。一京師師根本重地。必使貴賤有別。刑部尚書圖海負恩溺職。免死革職。籍其家。授僞新津侯譚宏爲慕義侯。僞仁壽侯譚詣爲向化侯。七月。以內大臣達素爲安南將軍。同都統索洪護軍統領賴塔統兵征勦鄭成功。以其竊犯瓜洲江寧等處也。故明廢宗朱義順謀反。並其黨舒英等俱伏誅。八月。江南總督郎廷佐奏海寇自陷

鎮江於六月二十六日。逼犯江寧。幸貴州凱還副都統副噶褚哈馬爾賽等從荊州乘船歸。聞賊疾赴。同臣及駐防都統哈哈木等兩路出擊。敗之。七月二十日。成功親登陸。攻犯江寧。會總兵梁化鳳遊擊徐登第。叅將張國俊等各領兵至。二十三日。勦賊擒僞總統余新。斬僞總兵二次。日五鼓出勦。賊大敗。擒僞提督甘輝。並僞總兵等官。焚賊船五百餘隻。賊順流遁。官兵水陸追之。鎮江瓜洲悉復。以都統劉之源爲鎮海大將軍。領官兵駐鎮江。川撫高民瞻奏統兵進取成都。川西底定。安南國都將太傅宗國武公恣

遣目吏赴信郡王軍前納款。九月江寧巡撫蔣國柱奏鎮江失守時知府戴可進等六員副將高謙等十四員皆從逆。十月洪承疇以目疾乞休允其回京調理。

順治十七年正月禮部議覆給事中姚延啟請照例再行嚴禁大小官員私交私宴及慶賀餽送允之。給事中楊雍建言今之妄立社名糾集盟誓者所在多有而江南之蘇松浙江之杭嘉湖為尤甚其始由於好名其後因之植黨請飭學臣嚴禁不得妄立社名投刺往來亦不許用社同盟字樣得

旨嚴行禁止。三月征南將軍卓布泰等班師仍設鳳陽巡撫駐泰州從漕督蔡士英請也。吏部等會議蘇松巡撫馬騰陞謂滿兵驕悍成習請撤京口駐防應革職遇赦免議從之。

諭兵部以後固山額真漢字稱為都統梅勒章京稱副都統甲喇章京稱叅領牛錄章京稱佐領昂邦章京稱總管。四月禮部議覆廣西巡撫李秀言粵西鄉試舊額六十名因地方未闢止中四十名今奉各省中額減半之。

旨但今全省俱復應仍照原額准中三十名從之。五月

以亢旱疫癘

詔求直言

安遠靖寇大將軍信郡王多尼班師

六月

御史顧如華言帝王廟從祀功臣中宋臣潘美雖有平南漢之功然斜谷之敗不能制護軍王侁擅離陳豳谷口致楊業父子無援而死宋之不能復征契丹實由此敗張浚三命為將一敗於富平關陝淪亡再敗於淮西酈瓊叛命三敗於符離而中原不可復其劾李端綱殺曲端與岳飛議不合奏飛欲嵩兵柄尤為紕繆此二臣宜罷從祀允之分翰林官為三班直宿景運門掌翰林院學士折庫納言封駁之典

宜行國學訓課之典宜興二事部議從之七月以都統宗室羅託為安南將軍同尚書車克內大臣達素都統索渾等征海寇鄭成功內大臣伯索尼請禁滿洲霸佔市井貿易及滿洲家人強買市物從之八月議政王等議奏舟山乃本朝棄地守亦無用應令明安達禮率滿兵回京以男品級沈永忠為挂印將軍鎮廣東立功贖罪以內大臣公愛星阿為定西將軍征李定國九月以海氛未靖遷同安之排頭海澄之方田沿海居民八十八堡於海澄內地安插從李率奏請也十一月移甘州巡撫駐涼

州

順治十八年正月初七日丁巳夜子刻

上崩於養心殿先五日壬子不豫丙辰遂大漸召學士麻

勒吉王熙至養心殿定

聖祖仁皇帝御名立為皇太子令卓遺詔命索尼蘇克薩

哈邁必隆鼇拜輔政四臣誓告於

天

大行皇帝神位前上

大行皇帝尊諡曰體天隆運英睿欽文大德弘功至仁純

孝章皇帝廟號世祖二月壬子移

梓宮景山壽皇殿

康熙元年三月尊

世祖章皇帝陵曰孝陵

新編  
新編  
新編

